

雷塘庵主弟子記

雷塘庵主弟子記卷六

男福續編

道光四年甲申六十一歲

正月十二日

恩賞

欽定大清會典一部計六十函 十九日

恩賞福字壽字及鹿肉山雞全分 是月奏請定洋

米易貨一摺

摺畧云查乾隆嘉慶間有近粵港脚等國粗貨夷船載運洋米來粵

發賣之事定例夷船進口應丈量船身大小報

徵船鈔粵海關向無米稅從前洋米來粵並多

丈輪船鈔以示招徠祗於難竣後放空回國不

准裝載出口以示區別近年以來洋米罕到詢

之洋商據稱外夷地廣人稀產穀本多亟思販
運內地貿易第運米遠來雖免完納船鈔而空

空回國遠涉重洋並無壓艙回貨抵禦風浪該
夷等既患風濤之險又無多利可圖是以罕願
載運仰懇

聖恩

准令各國夷船如有專運米石來粵並無夾帶

別項貨物者進口時照舊免其丈輪船鈔所運

米穀由洋商報明起貯洋行按照市價糶賣糶

接准其原船裝載貨物出口與別項夷船一體

照例徵收貨稅彙冊報部如此明定章程則夷

船米穀可以源源販運似奉

於便民綏遠均有裨益

上諭阮元等奏請定洋米易貨之例一摺廣東粵海

關向准洋米進口糶賣免輪船鈔糶竣回國不准裝

載貨物近年以來該夷等因回空時無貨壓艙難禦

風濤且無多利可圖是以米船來粵者少自應將成

例量爲變通著照所請嗣後各國夷船來粵如有專

運米石並無夾帶別項貨物者進口時照舊免其丈
輸船鈔所運米穀由洋商報明起貯糶賣糶竣准其
原船裝載貨物出口與別項夷船一體徵收稅課彙
冊報部以示體卹該部知道欽此 是月首捐銀飭

建三水行臺書院

按書院有樓
三十六江樓

并爲之記
大人名曰

二月修廣州城及城北鎮海樓樓作五層氣勢
雄壯建自明初云以厭霸氣者 三月十五日
刻焦氏雕菰樓集成 福跋云里堂先生雕菰樓
集廿四卷末附其子虎玉
蜜梅花館集二卷癸未秋 大人
命福技而刊之凡六閱月而工畢 二十日

恩賞

御製養正書屋全集一部 五月三十日

恩賞

欽定春秋左傳讀本一部 又蒙

恩賞錠子藥一分

是時小西洋米船初到

此後凡遇水旱

米價增昂米船卽鱗集粵民永賴之并廣西米亦不致踊貴粵民皆感稱此德政之最大者

八月二十二日接閱邸抄奉

上諭漢詳校戶部候補主事阮常生以該部主事不
論題選遇缺卽補欽此 九月福侍 大人親至粵

秀山覘地欲建學海堂遂在山半古木叢中定
地開工蓋因連年以經古課士士人之好古者

日多而學海堂惟在文淵書院虛懸一扁並無
實地是以建堂於此實有其地而垂永久焉

是時 大人以家藏漢西嶽華山廟碑摹本寄

陝西錢恬齋廉訪

寶甫

摹刻于西嶽廟中二千

年法物復克樹立矣 十二月建學海堂成堂

爲三楹前爲平臺瞻望獅洋景象甚爲雄濶又

於堂後建小齋三楹曰啟秀山房蓋依粵秀山

也最後最高處建一亭曰至山亭蓋取學山至

山之義也

案堂中扁額亦是 大人仿三國吳

天發神讖碑字體書之并撰楹帖云
此地有獅海珠江之勝其人在儒林文苑之間
又撰一聯云公羊傳經司馬記史白虎德論雕

龍文心是時學海堂課士經解詩賦諸作已得
數十題乃刊爲初集大人撰序一篇冠諸集
首又書刊于石嵌于堂壁福福竊聞庭訓以爲粵
東自前明以來多傳白沙甘泉之學固甚高妙
但有束書不覲不立文字之流弊此序文特
爲駢體且命福考文與筆之分文載續四集

道光五年乙酉六十二歲

正月二十日

恩賞

御書福字壽字及鹿肉等全分 是日 大人壽辰

獨往學海堂遊客 是月弟祐回揚州蓋因秋

間欲赴省鄉試也 是時 大人具奏籌款製

補礮械以足軍實先是粵東水陸各營軍實年

久殘缺或軍營及巡洋沈失近時人工物料較
昔昂貴與部定例價懸殊武弁俸廉有限無以
津貼是以積年因循畏難未曾補製卽准補製
營員亦懼部中核減賠累於是在捐輸捕費款
內動支銀二萬兩奏免報銷委督糧道夏修恕
廣州協副將蘇兆熊在省城督辦興工 大人
尙不時親往查察半年工竣水陸武備皆齊
二月二十四日出閱肇慶順德香山等處陸路
營伍又至增城縣及東莞縣虎門海口等處水
師提標各營兵船水操 二十七日抵肇慶住

閱江樓 二十八日曉起觀奮勇陣於圭頂山
十二年連州瑤反余總兵不習此陣
以致敗可見習此陣時若有先見 二十九

日在閱江樓下東箭道考驗督標六營將弁步
箭 三月初一日考驗馬步兵丁技藝 初四

日舟抵順德次日抵香山 初五日回順德取

道新塘 案是時 大人在舟中作文韻說一

首以訓福 初九日舟抵東莞縣 初十日晴

暖辰刻 大人坐巡船往虎門閱提標水師各
營將弁畢又親歷大虎橫櫓礮臺查閱各軍實
日午南風大作頃刻之間行八十里復繞道至

墩頭汎待潮詣 南海神廟拈香 十一日回
至廣州省署 四月二十一日大兄經戶部帶
領引

見蒙

恩以山西司員外郎補用 五月中旬蒙

恩賞錠子藥一分 六月初八日齋奏請

陛見摺回奉

殊批邊疆緊要毋庸前來下屆再行奏請欽此 八
月二十一日奉

上諭陳中孚著補授漕運總督成格著調補廣東巡

撫俱各卽赴新任成格未到任之前廣東巡撫印務著阮元暫行兼署欽此 二十六日兼撫篆 是月

輯刻

皇清經解此書編輯者爲錢塘嚴厚民先生杰 監刻

者爲吳石華學博校對者爲學海堂諸生福在

署總理收發書籍出入催督刻工諸事 九月

二十六日 大人卸兼署巡撫事因新任撫軍

成公格到粵也 十月十一日 大人出閱清

遠營及南韶連鎮等處營伍舟過清遠峽山寺

登飛泉亭憇玉帶堂 二十七日 大人自南

韶回省 是時暹羅國遣使來進例貢並爲該

國世子鄭福求請

敕封 十一月初六日 大人出閱惠潮等府營伍

十二月初一日自惠潮回省奏潮州海洋全

清械門和解一摺

摺畧云臣經過潮州地方查

年漸知斂跡並有設

宴和好新通婚姻者 是時修肇慶府總督行

臺成舊有大青楓樹一株因名曰大樹行臺并

續刻總督題名碑

畧云近年廣東全海肅清內地安豐廣西邊徼亦皆綏靖

屢以簡閱東西官兵往來肇慶止宿于閱江樓上因念此間爲兩省扼要地總督署雖移而兵不可移各營將向皆有署乃總督於城中無一椽非政體道光五年於舊基重建行臺惟立

門屏兩重堂室兩重取可以校武暫駐而已無多構也復於堂西開馬射之塔階上設步射之序階下可練小隊東南建帥字旗修復城南礮臺庶幾體制得宜而往來均便且重兵所在當務其本也

道光六年丙戌六十三歲

正月十五日蒙

恩賞福字壽字並鹿肉山雞全分 二月初旬於珠

江南岸漱珠岡萬松山外建漢議郎楊孚孝元

南雪祠成

按孝元本有故宅在廣州省垣南岸舊通志以爲移河南五鬣松來粵得

雪唐許渾故有河畔雪飛楊子宅之句是以粵中有南雪之典今其故址無存特於此建祠以存古祀焉 三月十三日 大人出巡廣西省城營

伍在省少駐再由省城赴柳州南寧一帶查閱
大人又祭馬伏波將軍廟放船下橫州大烏
灘 三月晦日立夏 大人於是晚回至省署

案此次 大人在廣西省城與蘇撫軍 成額

及接見司道及各營員等將地方應辦事宜細

加查問講飭具奏

摺畧云臣會同撫臣親赴藩
監兩庫盤查庫貯銀兩均係

實在臣查粵西會盜各匪常時山沒節年會同
撫臣督同司嚴飭各營查拏懲辦二千名之
多較之臣前兩次到此已甚稀少但究未能淨
盡現仍嚴飭各屬查照章程實力辦理不可稍
有鬆勁至南寧太平慶遠思恩鎮安各府屬土
司皆甚庸弱惟其庸弱尚俱安靜其餘徭苗各
民亦極安

分樂業

是時九妹正適平湖吳公子

公謹

館于揚州牛象巷第中

公謹前協辦大學士吳公璣之子一品蔭生

四月修英德清遠縵道工 大人自清遠白

廟至英德彈子磯見峽山奇峻削壁摩霄懸亘數百里澄波奔流深澹不測嘗惜躑道原言之不詳而柳子厚足跡所未經也沿路仄巖險徑或竹木罍緯或磯石觸船縵道自明嘉靖四年府判符錫於英德南山石壁得宋嘉祐六年開峽山棧道記嘉靖間復開鑿後至今三百餘年不修舟子苦之道光五年冬 大人閱武韶陽親爲相度因與撫部成公 格 權部達公 三 都轉

翟公 錦觀 商令鹽洋二商及太平關分段捐修

計修造道路二萬四千四百餘丈橋梁一百四十五座用銀四萬九千有奇六年工成立碑峽山寺門 五月中旬蒙

恩賞錠子藥一分 六月十三日接部咨奉

上諭雲貴總督著阮元調補兩廣總督著李鴻賓調補欽此又承軍機大臣字寄欽奉

上諭昨有旨著阮元調補雲貴總督李鴻賓調補兩廣總督李鴻賓著俟嵩孚抵任後再赴新任阮元接奉諭旨將兩廣總督篆務交成格暫行兼署卽赴雲

貴總督之任均毋庸來京請訓欽此 大人于十七

日將總督鹽政各關防移交撫軍成公格接收

兼署 福又案近數年海洋全肅清內地盜賊

亦漸稀少惠潮械鬥亦清兩省倉庫亦皆滿實

故河工回疆事興粵省撥去多銀甲於各省而

兩粵內地安靜無事故福亦少所記述 福又

案粵省西洋貿易近數十年惟暎咭喇國貨爲

最多其國富強狡黠爲各海夷之最嘉慶二十

一年暎夷遣使入京進貢未許成禮而回國二

十二年 大人莅粵首以嚴馭洋商夷商爲務

蓋洋商與暎夷貿易相和受其利益頗庇護之
暎夷又恃此傲點是以 大人遇事多加裁抑
壓服之暎夷船在黃浦夷人取水與民人相爭
用鳥鎗擊死民人 大人嚴飭洋商必得寬犯
方登船欲獲犯而此犯卽拔刀自刎死又嘑嘯
晒國夷人打死民婦 大人飭獲兇犯審確照
夷犯殺民人例立加絞決抵罪道光二年冬暎
夷護貨兵船 此等兵船自乾隆年間卽來粵洋
每冬或一隻或二三隻不等假稱
護貨實借此自雄兼 以脅嚇諸小國之船 在伶仃山強取民人番薯
猪酒民人與爭鎗殺死山民二人 大人惡其

強橫立飭洋商向在粵管事之暎國大班縛送
兇手大班詭言只能管貿易事兵船有兵頭職
分大伊令不能行于彼 大人又飭傳諭兵船
兵頭兵頭詭稱夷人亦有被民傷重欲死者多
人欲相抵 大人察其詭詐又飭大班必獻兇
手否則封艙停止貿易並將各行一切茶葉蠶
絲等貨全封歇大班又稱實係不能縛兇手無
可如何情願停貿易其兵船又詭避在外洋如
此將匝月 大人持之堅大班等乃率各夷人
全下黃浦大船上稟稱無可如何只好全幫回

國不做買賣 大人又印諭言爾願回自回

天朝並不重爾等貨稅於是暎國大貨船二十餘號
收拾篷柁欲出口復上稟云 大人既許回國
何以礮臺上又設兵礮 大人又加印諭言新
建大虎礮臺等處兵礮本是終年常設並非此
時待爾等出口欲加轟擊且

天朝示人以大公豈有許爾回國復加詭擊之事於
是各船竟出口復又旋轉在外洋校椅灣停泊
多日貨多折閱而其兵船遂先遠遁又多日大
班等又稟兵船遠遁我等實屬無能 大人如

准入口回岸貿易則回否則亦只好回國等語
商人爲言大班等速寄稟回國告知國王下次
貨船來粵將罪犯縛來方准入口回岸貿易否
則不准大班等亦具稟求 大人始應允始於
三年春入口回黃浦照舊開艙通貨此事冬末
春初南海番禺一帶凡商夷人等皆惶惶或言
關稅恐由此大缺或言貢事不成禮已慮嘆夷
滋事如此則將來恐滋事省中各官亦以爲言
大人力持以爲

國體爲大稅數爲輕索克理長且該夷皆是詭詐一

十船有一二千萬銀買賣並非真心回國不可
爲其所欺脅果持至春正月彼始具求回貿易
之稟 大人并飭其以後兵船不許復來非是
護貨適以害貨等印諭及四五年貨船來粵稟
稱此隻犯事兵船不敢回國不知向何國逃散
是以犯人尙未尋獲但道光三四五六年此種
兵船皆不復來粵省城布政司街酒館用木板
畫夷館式 大人曰此被髮祭野也立諭府縣
拆毀之自 大人去粵後兵船又復來粵致有
十二年盧制軍懲辦之事矣

此等命案向來皆
由洋商將就辦理

卽如兵船相抵之說洋商如出鉅資代夷彌縫
卽可畢事此次夷人乃用其故智而商人不能
在 大人前行其術也及大班等稟求回岸買
易及後來稟不知逃往何國 大人亦不固執
寬其可求之路十二年門生盧敏肅
辦夷兵船辦法卽學于此所以有

旨嘉論之云玩則懲之服則舍
之尙合機宜不失國體也 是時編輯

皇清經解將一載已得成書千卷今欲赴滇 大人

將書交付糧道夏公修恕接辦至編輯者仍嚴

厚民先生也 二十六日 大人起程福等隨

行是時文武屬吏軍民人等皆切攀轅之思各

書院山長及在城紳士並學海堂諸生各書院

生童多賦詩爲 大人送行卷冊如林佳作亦

極多茲概不錄惟越華書院山長劉樸石先生

彬華

序文云我

朝百九十年來名卿宰相帥廣之久於其位而盛
名足以歷百蠻明畧足以訓羣吏慈惠足以洽
黎庶學問足以式秀髦威令足以整師旅繫人
去思不已者惟 宮保大司馬阮公爲最等語
凡此皆紀實也 大人見吳詩有不忍別粵民
意 大人有荅劉樸石 彬華 李繡子 輔平 諸書
院山長暨學海堂學博生徒送別詩有句云講
學是非宜實事讀書愚智在虛心 大人訓福

云此二語乃實學空學之關鍵最爲要緊不能
實學者先入之見填滿于胸不虛心求是非終
于愚而已 行時各贖 大人皆留之粵中以
爲學海堂經費及添刻經解各公事之用 二
十八日舟至肇慶府 大人先由廣西取道湖
南貴州赴滇 大人因天時盛暑慮諸孫病命
福與八弟奉 慈親並 生慈在大樹行臺避
暑小住月餘是時 慈親孔夫人不赴滇南於
八月中秋天涼時攜八弟回揚州福亦於是時
奉 生慈攜兒女輩卽依 大人舟抵梧州

十七日酉刻到陡河水淺忽大雨水足遂暢行
一夜而過 二十二日過祁陽泊浯溪登屠亭
八月初三日抵常德府 二十一日舟抵貴
州鎮遠府 二十二日登陸道 九月初九日
登黔西老鷹崖 十三日入雲南界至平彝縣
接印 十八日申刻至雲南省城進署訶飭各
營務及各邊務銅政鹽政 署內東園名宜園
亭館花木之勝爲近廿年歷任所未有老松古
梅各數十株 大人見之頗喜公餘輒吟息於
其中 十一月二十四日出閱開化鎮兵

有句云

流盡向南交去此地至
交趾界僅百三十里

十二月十三日福奉

母攜兒女輩至滇署

十八日 大人自開

化回至省署 是年 大人於春時爲粵西閱

邊之行六月移節滇黔九月到滇十一月復有

開化閱兵之行共計水陸行一萬數千里得詩

數十首爲一卷錄寄揚州題曰萬里集嘉慶四

年出署浙撫時成哲親王送行時曰萬里之行

自此始矣

道光七年丁亥六十四歲

正月二十日 大人壽辰在宜園當雪晴時煮

茶於竹林中有詩一首題竹林茶隱圖卷福奉
命敬和一首 是時因滇省高燥足疾漸愈
二月初八日蒙

恩賞

御筆龍字壽字及奶餅乾果 二十八日出閱滇之
東川昭通二府及黔之威寧鎮等處營伍 三
月初三日至東川府閱兵 初九日至昭通鎮
閱兵 十八日至尋甯營閱兵 十九日閱曲
尋協兵 二十三日回至雲南省城 著塔性
說成福嘗蒙 庭訓云余之學多在訓詁甘守

卑近不敢矜高以賢儒自命故論仁論性命古訓皆不過訓詁而已塔性之說本應載入性命古訓之後嫌其取譬少入于諧然由晉人清談轉入翻譯釋典又轉入于唐人之復性實非此篇不能言之通徹此筆也非文也更非古文也將來姑收入續集而已 四月飭迤南道林紹龍普洱鎮總兵懷唐阿帶領普洱臨安二鎮官兵前赴他郎廳封私開之猛野鹽井并將猛野課程改歸入石膏井代完以廣官鹽福案此案道光三年明制軍山因此并烟瘴出鹽無幾奏

明賞給該里夷人自煎自食年徵課銀由他郎
廳徵解後有武舉孫開先等私挖私運致礙石
膏井官鹽銷路且近于夷地邊夷淆雜亦慮不
靖封之患卽激事不封日久更患大於是決計
封之石膏井官鹽從此暢銷 五月廣西直隸
州知州丁錫羣所管寧台廠額外多辦銅斤八
十餘萬照例奏請以知府陞用以示鼓勵 六
月題奏滇省各井鹽務奏銷 滇鹽總在省中
吏治澄清則井員不敢欺課井員不欺課則井
丁不敢走私舞弊惟在嚴飭該管官吏實心實

力辦理自然上下肅清官課充裕今道光六年
分奏銷於額徵鹽課銀二十六萬一千六百餘
兩全完及趙補從前墮欠外且尙長餘銀幾及
萬兩

以前額課多欠

八月建立測水三石方柱成

福案三石柱上刻子丑寅卯辰巳午未申酉戌
亥十二字爲十二格一立于東門外金牛寺以
驗盤龍江水利一立于西門外大觀樓下以驗
滇池水利一立昆陽州海口以驗海口通塞而
知其消長尺寸每年以節氣記之以備比較蓄
泮極爲有據 二十八日八弟在揚州生子十

一月書到 大人錫名恩來 九月初六日自

雲南省城起身出碧雞關赴迤西閱兵 十九

日到大理府駐三日閱看提標大理城守營官

兵并調考鶴麗維西永北劍川四鎮協營 二

十八日到永昌府駐一日閱看永昌協官兵并

調考騰越龍陵順雲三鎮協營 十月初六日

到趙州調考普洱威遠景蒙三鎮協管官兵

十八日回至省署 是月籌邊費一萬兩招募

獐獐三百戶駐紮騰越廳屬邊界給以香柏嶺

一帶山地屯種防禦野匪 福案騰越處滇省

極西南之地民苗雜居尙爲安謐惟其邊界有野人一種終年在山巢居穴處披樹葉茹毛飲血性悍好鬥言語不通難施化教往往當秋收時入內界搶劫糧食牲畜傷人出沒無定爲患已久前已築碉防禦尙有香柏嶺一帶空虛保山等處另有一種邊夷名獠獠歸土司管以墾田射獵爲生精于桑弩毒箭野人雖悍而畏獠獠因籌款飭騰越廳在保山瀘江外招募三百戶來騰越予以口糧處以棚廠在邊界耕種山地以爲捍衛 大人命試弩箭果甚精其準較

勝于尋常官兵之步箭但遠力不及

福案此野人情形有

類四川之越嶺山匪今獍獍遷已十餘年計孽長已千人更堵絕矣

南甸隴川

等土司帶領羅朗祁過益渡蠻牙河邦哇瓦暮等二十餘寨野人來乞降并獻木刻設誓案木刻乃木板長尺許板邊上刻缺口數十處夷中無番字以此爲憑竟是上古契木之遺意因是時騰越一帶野夷連年不靖九月詔言總督帶兵親討故野夷懼而乞降木刻存騰越廳庫十一月大兄敬司

萬年吉地前段石工凡六年至是告竣保列一等奉

旨議敘

祐補案大兄辨工勤廉兼到八年大工事發大兄不望吏議在部十餘年未兼捐納房十年假照案發亦不望吏議截取未久即蒙

十

恩出守

二月回疆逆裔張格爾作亂開酌增常例大

人爲福與弟詒捐納郎中以大臣之子理當納

貲也

道光八年戊子六十五歲

二月二十二日蒙

恩頒到

御書福字並奶餅乾果

是時大兄在京員外俸深

經戶部帶領引

見奉

旨雲南司郎中著阮常生補授欽此 是月奏滇鹽

溢銷長餘銀兩懇請酌留以備邊費一摺 福

案滇省鹽政久積多弊 大人莅任以來實力

稽查將弊蠹鹽務之員高崦雲等叅劾復杜井

竈走私之弊以前數十年來鹽課每年無不缺

課十餘萬道光七年鹽課奏銷不特正額全完

且有溢餘之銀至一萬五千兩之多茲八年溢

餘又數倍于上年之數 大人云此增出之課

二十餘萬若出之於民豈非暗類加賦實乃官

常上下肅清及暢消加遠之故民間食價如常

此誠至論也

摺畧云竊照滇省政務以沿邊外夷及土境各種夷人設法防馭爲

最重銅務鹽務次之惟各邊務事件辦理不無需費如永昌龍陵騰越各處禦逐野夷之練勇等費每歲需銀幾二萬兩思茅亦有應需之用邊徼廣袤夷匪紛居蠻觸爭衅又事所常有且恐內夷自衅率動外夷旣不便煩勞軍旅惟在邊員及早用力彈壓就木處練丁相機查辦所費或不過多若空手從事遲悞養衅耗費轉鉅卽如上年募練保移駐騰越邊界野夷較前畏歛用費一萬餘兩龍陵土司家室逞戈牽動野夷文武前往緝辦用費數千兩永北土境川黔客民一千數百戶久留難免生事陸續咨送回籍地方肅清用費亦約數千兩皆係設法湊墊供用然事急費遲往往不能應手且亦難爲常法計惟有將鹽法辦好如有長餘並可濟及邊防銅務今鹽法已有起色上年鹽課奏銷不特正額全完且溢出餘課一萬五六千兩又自上

年至今更有溢餘竟可比上年數倍之多雖因出鹽較旺行銷踈暢亦由極力稽查毫無漏卮之弊邊費所需不得不乘此長餘之時爲綢繆之計若卽于此內酌量撥濟邊需實於地方大有裨益卽懇准將溢餘銀兩於每年奏銷時以一半造收報部一半存於藩庫以備沿邊諸事之用庶邊餉可冀隨時戡弭卽遇事關重大應行奏辦得此籌貼亦不致多糜正帑如邊務用有餘積則鹽務銅運中之所必需調劑者亦得少爲酌給仍於每年將所留溢餘銀數動用款目隨同奏銷奉

以歸覈實

奉

上諭阮元等奏滇鹽溢餘銀兩懇恩酌留以濟邊費一摺滇省辨理邊務須費向無閒款可支遇有巡防彈壓事件皆係隨時設法湊墊供用往往不能應手據該督等奏稱該省鹽務現在極力整理大有起色

上年鹽課奏銷溢餘課銀一萬五六千兩覈計本年竟可較上年溢餘數倍之多請將此項銀兩酌撥量濟邊費所辦甚好嗣後酌於每年五月奏銷時查明鹽課溢餘銀共有若干兩不必限以定額以一半造收報部一半存於藩庫以備沿邊諸事之用並將所留銀數及動用款目隨同奏銷造具清冊報部以憑查覈該部知道欽此 三月初七日查出謀刻石篆并寫造逆詞之匪犯拏獲王士林李映川等大人一面嚴飭雲貴兩省所屬文武嚴拏餘黨一面指示在省司道審訊辦理 四月 大

人以准陞開化府知府丁錫羣道光七年分所
辦寧台銅廢除正額外多辦銅八十餘萬斤查
該員本有軍功花翎因事革職捐復原官奏請
賞還花翎奉

旨准賞還 六月十一日蒙

恩賞到各種錠子藥一匣 七月初二日 大人會

同巡撫伊公率在省司道審明叛逆兩案具奏

摺畧云竊查滇省幅員遼濶內則壤接川黔外
則界連交緬屢飭清查保甲驅逐游民於三月
間查有外來人托令石匠雕製盤龍石印當卽
派撥弁兵於離省城四十里之花紅廟將其人
王士林并石印搜獲并據開化鎮府稟報訪有
李映川爲趙應隴寫造逆詞之事督率營弁將

李映川及戚登雲梁應富等拏獲起出逆詞內
有天運戊子二月合行大詰邀結英雄整積兵
丁器械秋後約期信到卽行等語復經添委文
武前往緝捕趙應隴一犯查無踪跡行諭越南
官員土目亦搜捕無獲隨飭將現獲各犯解訊
王士林是湖北嘉魚縣人先在貴州古州地方
入伍犯事革退道光七年二月雕刻木印托言
扶鸞降神卽令交好之徐教向程尙文程尙志
吳本智等誘騙程尙文等皆爲信服拜師迨被
訪拏卽以異日須在越南得志囑令程尙文等
湊贈盤費逃至雲南臨安徐教旋亦自黔尋至
會晤王士林因見三國志演義所載孫堅得獲
玉璽起意仿雕石璽徑赴小潮惑衆盤踞卽于
八年二月至省覓得石匠李盛托詞挽令製造
盤龍石印欲刻受命於天旣壽永昌八字李盛
雖經篆寫心生疑惑卽向生員李宗唐告知首
報致被獲破至趙應隴本在越南小潮爲僧素
無文理好爲大言李映川原籍四川亦在小潮
教書與趙應隴認識趙應隴旋亦還俗道光七
年八月趙應隴因衆人見其兩手腕有藍痣說

爲貴相遂自稱爲王者後裔欲自小湖糾惑羅
夷搶爲巢穴開至內地開化舉事向李映川密
商李映川以先須傳示誥諭暗爲糾約卽爲起
就誥書一紙交與趙應龍備用時有楊仲林因
趙應龍引爲同黨遂博脅曹老三等結拜入夥
又護送趙應龍至開化伊戚梁應富家告以欲
舉大事梁應富與工人王增科允從至八年正
月間趙應龍復糾戚登雲及晉關盛榮等入夥
並將逆河邀李映川另寫因糾人無多轉回小
湖當彼開化文武訪查拏獲李映川等犯先後
解省究明與王士林事係各起並非互有
勾結將李映川楊仲林王士林各論如律
八

月蒙

恩賜

御筆午門受俘禮成七言十二韻墨刻一卷 初十

日奏請

陛見 是時秋徵糧米屆時議改建新倉並立以一

米易二穀之法 案滇省雲南府昆明縣所管

二倉乃每年撥收附近各州縣額徵秋糧以供
督撫兩標暨城守六營兵米之用又除備三年
兵米之外所餘之米留爲平糶賑卹之需 大
人曰近年豐稔民食充裕無需賑糶而二舊倉
皆在城外臨滇池之濱每當夏秋雨多溼氣浸
蒸滇米不堅易朽且府縣每逢交代盤查之時
必多折耗以致賠累若遇歲時豐歉不齊偶需
賑糶亦是紅巧難濟民飢夜閉城城中無一石

之米 大人憶在粵時曾見舊倉中貯有數十年之穀以海洋至溼之地尙且不朽乃思以一米易二穀穀質堅實較米易藏誠爲久貯無虞之計且在民改米納穀可省春碾之勞又免米粒挑換細碎之累民情亦所樂從 大人遂與巡撫伊公及司道擇定于省城大西門內府署之西高燥隙地特建新倉五十間名曰太平倉從此兵民兩便官亦易於交收若積穀數年卽滿十萬石誠省垣糧儲之善策也 九月初六日自雲南省起程赴貴州閱看全省營伍兼迎

陸見摺 時 大人左足疾全愈右足未愈 十八

日抵安順府閱提標兵三日兼閱新演速戰抬
礮陣 二十三日至貴州省看撫標城守各營
陣伍 十月初七日到鎮遠府 初八日閱鎮
遠松桃各鎮協官兵 二十三日接奉

批摺准入

覲 二十四日委員齋總督關防回雲南省交巡撫

伊公

里布

兼署

大人卽於是日登舟

十二

月十八日到京城 十九日

陸見 二十三日

賞紫禁城內騎馬 二十四日又

命坐小椅轎以代馬 二十五日

賜御筆出門見喜春帖子同被

賜者惟軍機大臣暨 大人共六帖 二十七日

乾清宮

面賜福壽字 大人北面跪受

御筆書畢內監捧字從頂上過 二十八日

賜荷包七個內大對包爲黃瓣亦異數也 時祐弟

自揚州到京效力掣籤刑部在湖廣司行走

道光九年己丑六十六歲

正月初四日

陸辭 大人此次在京共二十八日蒙

恩召見十次 初八日出京 三月初八日到貴州

省由黔西一帶赴威寧閱兵 二十四日抵雲

南昭通府看鎮兵 四月初一日適巡撫伊公

委文武員弁齎總督關防到東川 大人卽接

篆任事並看東川營兵一日 初七日回至雲

南省署 五月 大人以景東廳同知陳桐生

接管寧台銅廠在正額外多辦銅至百萬餘斤

奏請鼓勵以爲通省廠員之勸乃請

賞加知府銜 六月十二日蒙

恩賞到各種錠子藥一分 七月遵

旨派委員前往開化在所屬之安平駐邊界緝獲陶

月三要犯及其妻子并且在開化又續獲傳習

邪教夥犯韋洪周等名解省審訊先是正月四

川南川縣叛匪羅聲甫傳習邪教糾眾滋事拒

敵官兵經官兵平獲餘匪逃入貴州貴州拏獲

一案訊出其教傳自寓雲南開化之蜀人陶月

三 大人拏獲陶月三會同巡撫伊公率同司

道分別審訊定擬覆奏

摺畧云陶月三籍隸四川南川縣嘉慶十八年

陶月三帶同妻子至開化安平廳地方種地度
日至道光七年因貧起意將前學符水傳徒歛
錢取名爲一椀水教傳與其子陶連子表姪韋
洪周及盛維義張有祥等八年七月間有南川
縣民韋紹賢赴開化陶月三將符咒傳授韋紹
賢時雲南開化一帶查拏王士林趙應龍兩案
匪徒甚繁韋紹賢恐致破獲勸令陶月三與伊
回至南川傳徒糾搶滋事陶月三未允韋紹賢
卽自行回蜀又傳多人起事陶月三等論如律
福案當滇省查辦王士林等案時并不知有
陶月三之匪夥但若非緊辦王士林等案則兩
案與陶月三合夥韋紹賢亦必不回蜀起事
將在滇

起事矣

九月奏辦永昌灣甸土夷焚搶滋事

一案

摺畧云永昌所屬灣甸應繼龔土司景慶
長因年未及歲以伊木生父景祥撫孤堂

叔景星護印代辦地方事務景星擅權與景祥
齟齬迨景慶長病故景星不舉應襲之人暗囑
族人將其保舉以致夷情不服適族目景廷宣
振景星劫責家丁之嫌乘涼構衅糾率夷衆向

景星尋聞景星亦集練抵禦經永目府訪聞飭
祭將景廷宜獲解并提景星赴郡質訊時景星
手下練頭阿素疑景廷宜與景星尋衅係景祥
主使於道光八年六月糾約舊夷日岩革波愛
阿保等并野匪多人同赴灣甸向景祥劫擄閩
閩景祥聞風帶眷先避阿素等與野匪擁入景
祥家內搶獲牛馬衣物并將房屋放火焚燒脅
衆退至更戩地方未散景祥報經該府飭調鎮
康目練前往捕逐阿素等同野匪拒敵被土練
格斃多名阿素與岩革亦將鎮康土日才悶克
升傷斃野匪復將土練拒斃數名續值派撥營
弁帶兵馳赴該匪等分竄邊外截獲波愛并岩
革阿保家口嗣因阿素潛回猛糯地方被灣甸
目練擒捕格殺岩革阿保逃在芒市野山亦被
拏獲解省審明將岩革擬以斬梟家口遷徙阿
保實發極邊烟瘴景星爭龔肇衅亦擬充軍均
同家口解配景廷宜已故免
議野匪畏逃邊外毋庸窮追
遣人進金葉表因奉

天朝平定回疆生俘首逆恭進

皇太后徽號之詔畏服歡喜而來賀此爲向來緬王所

無之事故代奏進 十八日自省起程赴開化

等鎮營閱兵 十一月十二日回至省城閱抬

礮速戰陣 案此礮陣楊宮保遇春所練丁亥

回疆軍營收平回部賴此爲多去年黔省余提

軍步雲製演 大人於今夏

陛見回滇督率將弁造礮三百餘位每位四十斤

大人又令以五礮爲一連環四兵管一礮若以

衝擊甚捷而準省城六十位提鎮各邊營二百

餘位令各鎮一同演練 大人於巡閱時親加
演閱茲反省又閱省礮洵邊疆制勝之軍實也
是時福撰孝經義疏補成福到滇後 大人

命撰此書兩年以來已成清稿 大人夏間回
滇閱郊祀宗祀之所補斥皆陳言俗解復指訓
以爲孝經郊祀卽召誥之用牲于郊孝經宗祀
卽洛誥之宗禮功宗福又引證各經復謂洛誥
之文祖卽虞書之文祖文祖卽明堂以證之至
是刊書爲十卷成 十二月粵東將刻成

皇清經解寄到滇南 福案是書 大人於道光五

年在粵編輯開雕六年夏移節來滇迺囑糧道

夏觀察

修恕

接理其事嚴厚民先生

杰總司編

集凡書之應刻與否大半皆是郵筒商酌所定

今越五年書成計卷一千四百自顧氏

炎武以

下計書一百八十餘種其分三十函板藏於粵

東省城學海堂中刷印通行

夏觀察序云

皇

本朝解經之書以繼十三經注疏之刻迺聚

自十三經注疏成而唐宋解經諸家大義多括

于其中此後李鼎祚書及宋元以來經解則有

康熙時通志堂之刻我大清開國以來

御纂諸經爲之啟發由此經學昌明軼於前代

有證注疏之疏失者有發注疏所未發者亦有

與古今人各執一說以待後人折衷者國初

如顧亭林閻百詩毛西河諸家之書已收入

四庫全書乾隆以來惠定宇戴東原等書亦已
久行宇內惟未能如通志堂總匯成書久之恐
有散佚道光初宮保總督阮公立學海堂於嶺
南以課士士之願學者苦不能備觀各書於是
宮保盡出所藏選其應刻者付之梓人以惠士
林委修恕總司其事修恕爲屬官且淑於公門
生門下遂勉致力宮保以六年夏移節滇黔修
恕技勘制剛四載始竣計書一百八十餘種度
板於學海堂側之文淵閣以廣印行不但嶺南
以此爲注疏後之大觀實事求是卽各省儒林
亦同此披覽益見平實精詳矣福案 本
朝學問皆實事求是平實精詳異乎空言高
論不求甚解者此序未數言乃大人所改

甘泉受業羅士琳校

雷塘庵主弟子記卷七

男孔厚續編

道光十年庚寅六十七歲

三月龍陵廳芒市土司放承恩之夷人波岩剪
作亂經官兵辦定

奏結文武請議叙

摺畧云永昌府龍陵廳屬芒市應襲土司放承
恩先因年幼以堂叔放澤浩充為代辦管理地
方事務嗣放承恩年長襲職革退放澤浩代辦
放澤浩仍行估權管事道光七年有頭人波岩
剪與秤顯猛拔嫌互搶牛馬放澤浩派練幫助
將秤顯猛打敗土司放承恩咎其專擅將放澤
浩遷赴弄線地方安置將波岩剪革去頭人遞
交遞放土司收管波岩剪旋又潛回芒市因被
革逐欲圖報復捏為土司之母放衍氏欲行謀
害放澤浩遣令波葉秤烏克針等向放澤浩

知波岩剪旋於九年春間以土司母子辦事不
 公人心不服糾聚夷衆盤踞村寨且糾引野匪
 多人在軒崗等處山頭借爲聲勢時出焚掠報
 經龍陵廳同知龍陵協副將具稟酌撥兵練捕
 逐該廳協親赴芒市曉示被脅夷民速行解散
 督令弁兵及鄰封進放土司日練分路攻捕波
 岩剪率衆敢逃追至景幸地方殲斃夷匪多人
 波岩剪與有名夥黨畏閱肖着補及隨帶數匪
 衝出抵拒均被兵練格殺餘匪潰散已盡其軒
 崗等處山頭野匪因兵練經臨驅逐亦畏懼聲
 威全行竄回邊外土境肅清此案夷匪波岩剪
 挾土司斥革之嫌與良閱肖着補糾脅夷衆焚
 搶且招引野匪抵拒兵練情罪甚重滇省辦理
 此等夷匪皆照謀叛律問擬斬決業經兵練格
 殺仍飭將各首級梟示土境以昭網戒土目放
 澤浩雖未與波岩剪商同滋事第土司已經襲
 職將該土目代辦革退仍敢爭權管理公事並
 擅行調練攻鬪以啟衅端未便照土夷例遷徙
 本省六百里外營縣致有再通消息播弄生事
 之慮應將該犯同家口一併拿發隔省三千里

外之貴州思南等府地方安插以杜後患波葉
秤烏於波岩剪糾衆之時先已逃歸但聽從使
令以誣詞往告故澤法貪賄釀衅亦未便容留
土境除波葉已故不議外應將秤烏卽照土蠻
犯軍流等罪同家口遷徙六百里外營縣安插
逸犯克針板猛等飭緝獲日究辦兵練口糧等
項費用無多已於滇鹽溢課內支發至芒市土
司地處極邊波岩剪所招野匪前已被驅全竄
邊外毋庸再行窮追已據該文武飭令土司在
於軒崗等處要隘添設夷練駐守以資防範所
有查辦之龍陵協副將邱奉岐龍陵廳同知岳
輝文於此事調度有方悉合機宜俾土境得以
靜謐署龍陵協中軍都司事准陞鶴麗鎮右營
都司馬錦標帶領兵練辦理得宜可否均請交
部議敘以勵微勞之處出自

聖恩
諭准行
皆奉

九月准越南國王阮福映咨稱內地知縣擅擊

外域夷目委查并非彼境仍係彼國欲罩佔內境之故智隨卽奏

聞奉

諭一切准行照會該國王該國王理屈詞窮寢息矣
大人另密奏云此地夷練數千勇而耐瘴若被彼罩佔則此練爲彼所有所以不得不與辨

照會云

天朝

太子少保兵部尚書兼都察院右都御史總督雲貴等處地方阮照會越南國王接據貴國咨呈內稱據興化鎮目中叙昭晉州豐收屯隊長刁國麟之妻羅氏馳報道光七年十二月十一日見內地兵丁云胡阿爺被劫殺斃氏夫用情不拏致胡阿秀投控建水縣衙派來拏縛立時解去又道光九年正月伊州人刁允安家有內地兵丁通稱緝犯該鎮目派萊州隊長刁政定往昭晉協同刁禾典權守該屯念此一面之辭

未足准信。嗣於本年閏四月該鎮申敘訪得刁
國麟在建水縣衙獄所於正月身故。又隊長琴
因錦擊獲逃犯有內地人張天才與馬小二等
各執器械嚇索琴因錦錢財已擊獲馬小二等
八名現飭與化鎮監禁。又該鎮申叙刁政定刁
永典收平虛豐收二屯稅銀得土銀四百餘兩
本年四月初四日見內地兵丁百人擲札一通
將刁永典刁政定鎖擊搜取器械財物稅銀并
械捉手下之名舜名莫客宁名道鬃等人而去
祈飭下建水縣衙即將擊去之刁政定刁永典
并名舜等人及器械財物稅銀各項交回其該
縣衙不行移報。輒將刁國麟捉監致死。與擅派
軍人出境生事亦惟按款查辦。並祈飭下各府
縣州之毗連界地嚴戢兵民毋許私越。倘經一
番嚴飭猶復逾境。即仰欽成憲不敢鬆放。
曲狗等因本督部堂撫部院披閱之下殊爲詫
異。查該國疆圍雖與內地府廳縣邊境毗連。但
中外界限處判然所有臨安府屬建水縣所
管之猛梭猛賴等處隸入

天朝板圖已一百數十年每猛設立十舍掌寨管屬

土衆年納籽種糧銀如遇土舍事故報縣承襲
冊籍具存若遇案件應差人役往來查辦道光
七年八月有猛梭土民刀倫與廣東客民胡青
梯爭買山地糾約儂添才等將胡青梯毆死胡
青梯之妻告知夫姪胡源標報經建水縣驗屍
出票緝獲各犯將刀倫問罪監禁刀倫旋於道
光九年十二月病故此係土境人命例應內地
審辦原案本無刀國麟之名猛梭並不名爲昭
晉州刀倫亦未充過該國隊長又查刀文安係
猛梭應襲土職刀治定係猛賴掌寨之弟刀允
典係刀文安堂叔今文內稱刀允安或卽係刀
文安但不知有昭晉地名刀政定或係刀治定
刀永興或卽係刀允興亦不知有萊州地名充
過隊長爲鎖目收稅之事因上年九月內刀治
定約同刀允興莫老三等隨帶多人赴刀文安
土官家內霸住強索田地勒派供應刀文安於
本年二月赴建水縣具告該縣派差并委鄰封
掌塞帶練丁百名將刀治定刀允興莫老三王
阿福等四人拏獲於四月內解縣刀治定帶有
土銀一百二十兩金錫一隻於被拏時遺失亦

訴請究追該縣因飭查無獲據三猛頭人公議
情願代賠至其田地仍歸刀文安管理刀治定
等不得再向滋擾具結求息復經委員訊明無
異將刀治定等發回猛賴交掌寨管束在案此
又係刀治定等同族許訟提拏斷結原委俱與
該國毫無干涉建水縣何須移報與化鎮目且
亦何故發交該國殊不可解是該國所云之昭
晉萊州恐另有其地所云之刀國麟刀政定刀
永興姓名不同亦另有其人內地皆不能知未
可以內地之人地之事混爲該國之人之地
之事也又琴因錦係在何處緝犯如何被張天
才馬小二等嚇索財物內地亦不知此情節如
果馬小二等八人均係漢民現爲興化鎮庶免
獲則應將情節聲明照例解送內地究辦庶免
在彼復滋事端至建水兵練差役赴猛梭猛賴
等處往來查事提人係其本管土境並非該國
之地不得謂之出邊又如猛丁猛喇等處鄰近
南掌更與該國無涉矣本督部堂溯查從前該
國屢有查界之請如乾隆四十六七等年前藩
黎維那妄以游民混越咨請申畫昭晉廣陵萊

州疆界當經前督部堂以六猛坐落內地界址甚明本無不清何庸申畫如果有漢民出邊無難拏送內地隨將內隸之猛梭猛賴猛喇猛丁猛蚌猛弄六猛地名渡口開寫清單照會該藩遵悉有案嗣乾隆五十七年前藩阮光平又混以嵩陵萊州等州從前黃綠內附爲詞由粵西投遞表章懇請清理興化鎮界址經廣西開吏以所請冒昧直將表文咨呈嚴行駁回致書該國王有案迨至嘉慶十年該國興化鎮日欲令六猛掌寨土舍外附經內地文武查知嚴飭因係鎮日無知事亦未成復經照會該國約束鎮日毋得越犯亦在案是此猛賴猛梭等處久爲內地屢次明白飭會該國不爲不詳黎維祁阮光平皆理屈詞窮不能再有辨瀆該國承黎氏前阮之後圖籍舊案或未稽考然自嘉慶十一年丙寅正月照會該國以後該國固已自知其謬迄今二十餘載遵守舊規亦無干瀆今此次來文隱躍其詞仍係藉以昭晉萊州爲名欲圖裏混地界殊不知猛梭猛賴福陋貧疲一百數十年來疆域本極分明前次安南黎阮二藩尙

天朝厚德

賜以國名

不能言之得理少遂其覬覦土境之計何况該國得國於前阮之手只宜就所得於安南之地國上保安恪守豈可隔越兩姓憑虛屢混該國恭順有素遙揆何致有此逾分之言及細閱文內則皆係疊據興化鎮目申叙之詞可見全係該鎮目等復萌故智有心播弄在該國王仰蒙

賜履南服定知恪遵侯度絕無覬覦之心自因該鎮目等一面浮詞遂致有咨查內地之舉是以本督

部堂未卽

奏明特將前後緣由及該國措詞不合之處逐層

指駁先行照會貴國王查照俾知詳細務卽稽查舊案嚴束鎮目仍遵舊規不得再以無據浮言妄指地名撓越滋衅率意咨呈致失該國恭

順之素志有負

大皇帝懷柔之重恩除一面飭令臨安鎮府行文興

化鎮目遵照倘該日等藉端冒混使令軍役越

入猛梭等處滋事內地亦必飭各土司及十五

猛目加以兵練查拏不少寬縱勿謂言之不預

弟子記

卷七

五

又又又

滇池雲遠桂海春回遙惟貴國王
政體兼和保綏安善須至照會者

七月十四日大兄生弟五子恩喜

十月十三日自省起程赴迤西大理府等處閱

兵十一月二十三日回省具奏 又奏騰越邊

界道光七年招募獐獐駐居開墾防堵邊外野

夷於鹽溢項下支用各費野夷頗爲歛跡再請

借款置田裕食一摺奉

上諭阮元等奏騰越邊界原駐獐獐夷練應行置田

裕食請借款籌辦一摺滇省騰越邊界向設獐獐

夷練三百七十戶分駐香栢嶺等處以防野匪較

爲得力據該督等查明該夷練墾種山地不敷食用每年另給鹽糧常川籌發不免糜費懇請借款置田以裕口食著照所請准其於司庫備邊項下先行借動銀二萬兩飭發該府廳購置田畝分別撥種招佃俟田畝置齊卽行停止鹽糧所借之銀卽由本省捐廉分限歸補完欸毋許懸宕此項旣歸捐補並着免其造銷該部知道欽此

十月大兄奉

旨阮常生補授直隸永平府知府具摺謝

恩

道光十一年辛卯六十八歲

正月初十日省會五色雲見自辰至己次日又見 二月五兄福由滇起程回揚州由揚州入京分部學習籤掣戶部在河南司行走

四月署西建小臺成名之曰碧雞臺作記

記曰雲貴總督駐滇池之上節院寬敞東有宜屬古木時花爲城中勝境登東北山臺已見金山馬諸山松嵐疊翠矣而滇池北渚及碧雞諸山皆在西南不能見也昔署西南有高樓登之可以望西南樓久圯道光六年余初到滇子福構木臺以復其境今四年矣木漸朽遂徹之而遷其臺于署西北隅廢圃澹泉西南七丈許臺以七千土壘疊成之縱橫上下皆一丈三尺工槩用省成之甚易臺腹以梯旋而上臺上又立四壁爲八尺之瓦屋寬其西南窗使全攬碧雞玉

案諸山之勝遠眺滇池近挹華浦碧雞關戍如
在几案太華諸寺隱現于華山之麓朝霞暮靄
風雲變幻般雷快雪凍雨皓月皆可於臺上收
之舟帆往來耕植出入春稼秋穫星回火節亦
皆可於臺上遇之臺成開幕中賓客落之議所
以爲臺之名昔李贊皇帥蜀建等邊樓而邊壘
一新然其時滇境非其所有土番內侵維州偶
降復陷衆數豈若我

大清德威外薄凡章忠武李贊皇所焦思竭力遠阻
近逼之地今皆宴然爲郡縣西南外夷如緬甸
南掌交阻皆奉表入貢攸服奔走余以衰老腐
儒奉

使持節坐鎮之而不必有所更張設施惟以崇尚德
威休養生民生爲事所以政簡身閒得與賓客登
臺興復不淺也又安用侈其名而矜之乎則名
之日碧雞臺可已

八月初八孔厚生女恩桂 九月二十九大兄
生女恩紳 十月十八孔厚妾殷氏生子恩高

道光十二年壬辰六十九歲

二月底母唐安人以病卒于滇署

安人長洲人
年四十五無

出叔兄祐
請封安人

三月大兄因直隸總督琦侯奏陞清河道奉

上諭直隸清河道員缺准其以阮常生陞署具摺謝

恩

四月大兄經直督琦侯奏請兼署保定府事

是年夏湖南永州獠人趙金隴作亂衆萬人提

督海凌阿陣亡出缺奉驛遞

諭旨貴州提督余步雲調補湖南提督選帶貴州兵

一千馳赴湖南勦辦獠匪

又奉

諭旨以雲南副將曾勝爲湖南總兵馳往湖南隨剿
因曾勝甫經保舉堪勝總兵

召見回滇卽蒙

特簡 大人卽日令曾勝交印馳往湖南又札商余
提督派定將弁等挑帶精兵擡砲刻日馳往湖
南會同湖北提督羅思舉兩湖兵隨總督盧公
坤進剿賊敗聚于羊泉鎮楚黔官兵極力用擡
砲攻打羊泉破皆殲之曾勝又隨

欽差大臣禧公恩入粵時廣東連山瑤人又作亂總

督進兵失利禧公至督令曾勝等痛加勦擊賊
大傷敗乞降是役也曾勝料敵情審地利而後
登高力戰痛勦功爲第一旋

賞騎都尉世職卽陞廣東提督

十七年卒于任謚勤
勇曾勝由廣西都司

經大人連次保陞遊叅又保舉
陞副將總兵前在川楚身經百戰

六月十六日孔厚自揚州起程到滇省署

七月南掌國王召蟒塔度騰遣使日恭齋表文
貢物到關投夷字文書譯出內開本年屆應例
貢之期貢馴象四隻及象牙犀角綱疋等物本
年正月間起程因暹羅部落之憂于腊與緬甸

構衅貢須由校南烏地方過路梗以致遲滯俟
兩國解散卽於五月抵闕等語奏請

旨奉

諭准其入貢于封印前抵京

九月十七日奉

上諭阮元著協辦大學士仍留雲貴總督之任欽此
隨具奏謝

恩并請入京

陛見將總督印務交撫臣伊里布署理

閏九月十三日母親挈孔厚婦彭子恩來恩高

女恩桂到滇署

七月二十四日由揚起程

十月初一日奏起程查閱迤東開化等處營伍

本月回省

十二月奉到

硃批著來京陛見伊里布暫護督篆可也卽於十六

日交印起程

十二月二十八日吾 母孔夫人因病故於雲

南督署內寢不孝孔厚率來高兩孫哀舉殯禮

行狀云先妣

諱封

一品夫人乃

孔子七十三代長孫女諱聯

華族姪廕曾填諱

昭字輩衍聖公之孫女憲字

輩封衍聖公之女

高宗純

皇帝

巡幸闕里

宮與蒙

先妣年幼

隨祖母

程太公

夫

人跪

泣

宮與蒙

先妣年幼

隨祖母

程太公

夫

賜宮

花一朵

乾隆五

十八年

問

家大人

以

詹事

任山東

學政時

憲字輩

衍聖公

薨無子

以

胞弟

之子繼

襲為慶

字輩公

衍聖公

宮保舉

秋

先生

時任山

東巡撫

與先祖

素有交

謂

先

祖曰

吾之女

可配衍

聖公為

媒衍聖

公之本

本

生胞姊

可配公

之子吾

為媒遂

同締姻

乾隆六

任

十年

家大人

以內閣

學士兼

禮部

侍郎調

任

浙江學

政嘉慶

初年夏

封公暨

封公夫

人送

以

先妣來

杭州成

昏禮儀

與服隆

於一時

然

以

詩文賀

者有歷

奩只用

十三經

之句非

先祖

愛視

不能當

此先妣

事先用

先祖最

孝和惠

理家政

以

若女與

家大人

相敬如

賓閨中

先祖喪

常以

以

持大端

動引闕

里禮法

即如居

先祖喪

常以

以

衰服宿

雷塘墓

廬稻草

土塚之

中葬後

黑布

服

三年不

用黑帛

有言其

太過者

則曰吾

闕里

向

皆白布

不黑布

今黑猶

從俗也

揚州舊

城白瓦

瓦

巷有

家大人

誕生之

舊宅

先妣改

此宅為

海

泰山

聖母生

家大人

誕生之

舊宅

先妣改

此宅為

海

聖母生

家大人

誕生之

舊宅

先妣改

此宅為

海

聖母生

家大人

誕生之

舊宅

先妣改

此宅為

岱庵奉

泰山聖母

觀音

天后三

龕且設

祖妣林太夫人龕於庵中朔望必詣

拜焉先妣前數十年皆在官任兩歸闕里再

入京師

先妣曰家鄉祠墓厚兒娶婦尙未祭謁

雲貴

且欲回闕

里省外祖母袁大公公夫人故孀孔厚

夫婦歸揚州親奉蘋蘩又兩歸闕里拜墓省親

九年欲來滇

未果奇詩與家大人言路遠難

來之故十二年秋始攜子孫來雲南先妣體

素弱易病貴州途次感瘧疾到滇署與家大

人相見方甚歡慰瘧亦止愈惟脾弱食減家大

大人在宜園置酒先妣乘小輿遊覽各亭館

花竹且至菜圃曰園中各祠廟俟吾健再拜耳

先是家大人以拜協辦大學士之

命請

入京

陸謝十二月初奏回

允觀先

妣以方聚又難意類愴然勉促治裝家大人

人北行後竟卧不能起病日重而食愈少遠以

十二月二十八日長逝得年五十有六嗚呼哀

哉逝之日神明不昏孔厚借孫恩來恩高皆侍

榻前諭曰死生有命我一生榮貴如此子孫

亦多尚復何憾惟憐爾兄弟等皆丁憂我亦顧
不得矣爾等當勤讀書孝於父祖我有幾句詩
取紙筆來寫及伸紙則語音不清氣漸微不能
寫矣嗚呼哀哉論者謂閨秀能詩禮者難得福
命若阮孔夫人本爲海內第一門望又爲宰
相夫人經史滿樓子孫繞膝閨中第一人矣
先妣四子長爲大兄常生族兄應曾填諱嘉
慶初年九歲二品廕生娶寶應劉氏生五子恩
海恩洪恩浩恩壽恩喜次福辛酉生戶部郎中
娶德清許氏生恩光恩山次祐甲子生刑部郎
中娶嘉興錢氏次孔厚乙丑生以嫡子爲道光
初年一品廕生娶長洲彭氏生恩來恩高二女
第六者名安適江都張氏早卒第九名正與祐
同庶生適平湖吳氏大兄官清河道在任聞
先妣訃既哀毀又感時症誤於醫藥卒於任所
家大人入覲

命典

春闈撒棘後聞兩喪慟悼之至及回滇撫棺慟

哭曰朱棺不能久於滇乃歸殯於北湖先妣

江夫人墓祠先妣幼習詩禮能詩文所著有

唐宋舊經樓詩六卷已付刻門生姚文禧公修

弟子註

卷七

十一
上〇二

揚州府志曾載入志中故號經樓夫人居粵以
後又有詩數卷家大人曰汝母詩紀事有餘
而警鍊未足老年詩多率意不必再刻矣然稿
中有可見賢孝大體非徒吟咏者福等今敬錄
十九首先妣讀史有識有雜文十數篇今亦
錄項羽論金日磾論等四篇先妣在粵有五
十初度自序一篇篇末云是日門庭寂然室內
怡然外無酒禮陳送之勞內無音樂歡呼之客
願從此安享餘年子孫福壽長昌事
君事親皆一體也復何言哉今哭讀此文餘年等句
誰知竟成壽不逾六十之讖語乎嗚呼哀哉哀
子福祜孔厚敬述

道光十三年癸巳年七十歲

男祜續編

二月大兄經直督琦侯奏請兼署直隸按察使司

二月末抵京 三月初一日到園請

安

召見面謝

恩軍機大臣傳

旨賞七十壽辰

御筆亮功錫祐四字扁

黃絹

御書福壽字各一方塗金佛像一尊嵌玉如意一柄

蜜蠟朝珠一盤陳設十件

雕蓋玉香鑪一件玉香盒一件玉匙筋瓶

一件玉山子一件塗金獅子香鑪一件定瓷盤

一件成化瓷確一件竹根麻姑一件畫琉璃筆筒一件紅花 緞絲蟒袍一件大卷江綢四疋

小卷江綢八疋卽在

內廷叩頭祇領初二日具摺謝

恩計自四十歲生辰一日之隱在海塘工次五十歲
在寶應催漕舟次六十歲在粵撫署竹園是年正
月二十日在湖南舟次至是
時公卿門生來賀不能隱矣
初二三四皆蒙

召見初六日早奉

諭充會試副總裁入闈

四月初十日發榜出闈得士許楣朱其榮周其
慤胡正仁陳文翥陰豐潤蘇吟訥王兆松史佩
瑄杜寶辰曹履泰王蘭新端木國瑚王景銘安
詩李維藩盧琳譚廷襄魏玉峯蔡宗茂黃贊湯
周有璽張集鑑德齡許棟童翬邵宗渭福暉王
清選蔣鍾麒袁鍾慧董正官王積順張鏡淳吳

守仁張樹木金樹木羅象晨吳世驥談素勳郭

維健夏廷架蕭騰漢吳焯葉觀儀徐卓福濟陳

宗元宋載賡許謹身胡嵩年徐文耀春熙張齡

劉文典張邦佺王芳蔣元溥黃廷璠楊寶樹康

孔昭詹璈董作梅武新亨徐耀黃鍾音吳保臨

陶春元吳開陽孔昭然徐寶森毓科吳頡鴻李

步瀛李恩慶鄧爾恒裘寶鏞蔣瑾黃懋祺韓椿

翟維善姚憲曾邱景湘韓曜司徒煦溫子異洪

玉珩徐起宇鄒新照汪培基方大淳楊開會姚

承恩車瀛章業舒鈞高振洛戴鴻恩劉潛之陳

芝齡左喬林劉用賓何森林宋延春楊文定存
葆程葆王鼎彝葉式曾朱士廉董平章蘇蘭第
陳光緒朱憲曾何元杰袁銘泰許本鏞謝克一
沈映鈴孟毓蘭蘇元峩廣專文秀唐金榜陳應
聘王徽林廷禧鄭輝堂馬逢臯孟毓勳李汝璿
郭樟林上砥張熙宇蕭良城康象書博廸蘇朱
麗宣王汝和施壽椿蔣士麒恩霖唐金釗郎盼
杜錫衍楊培沈秉荃吳士俊彭元海王王何家
駒葉儻冒雷五福廖惟勳周瑞圖施介曾曾克
敬孔繼勳萬應新汪鳴相唐簡王丕顯戴齊松

李鈞車克慎金黃裳李翰昌李烈文王麟瑞陳

鎔朱允焯華廷標盧贊虞文在瀛封躬福昌阿

王錫九盧同伯黎光曙費公彥德齡唐潮高樞

王樹滋黃慶昌劉溥楊蔚春李樾桂超萬王槐

彭作籍雷崙楊松磐吳湘范鏞杜浣王恩需吳

林光溫廷獻劉體舒焦友麟花讌春史策先曹

銜達張鵬翼張崇恪童輔喬邦憲張炳孔昭慈

黃炳光王鳳翥高步蟾王紹曾陳景良舒鼎徐

清汪元方張涵晏承仲張寅樊椿等二百二十

二名宗室保清崇文英瑞三名 是日回宅驚

悉 母親滇省哀音又悉保定大兄三月二十七日病故於道署之音傷慟不可言狀又以行當

陛辭不敢告假

召見面陳兩喪蒙

而諭曰爾夫人自然也年老尙是人家常事惟爾子可惜他是个材料隨蒙

諭仍回雲貴總督之任十七日叩辭白衣冠於四月二十二日出京時長途盛暑 大人神傷貌瘁 祜請隨行赴滇祜婦錢亦請隨行遂同就道過

保定見大嫂恩海等哭住一日料理樞脊回揚
之事次日長行行次襄陽漢江大水水路到常
德因沅江夏水亦發且逆水天暑改由陸路十
六站於六月二十日入貴州到鎮遠府看鎮遠
鎮兵次第看貴陽安順等處兵入滇 七月接
印後將出貴州西境雲南紛紛稟報七月二十
二日地震自省城南至臨安開化十數州縣同
時被災壓斃男婦大小口數千人房屋坍塌損數
萬間 大人迅馳回滇撫軍先已委員分頭撫
卹查辦斃者復會同賞卹房屋照例給與修費

東子言
卷一
露處者搭篷居住動用銀十數萬兩卽在井鹽
溢課歸半項下動用不足者官捐紳商富戶亦
行善湊捐奏請議敘各官署自爲捐修壇廟動
用官項滇省老人言滇省雖易地動然數十年
無此重災所幸賑卹不遲而且實惠田稻無損
卽速豐收尙可補救耳

八月緬甸蠻幕到關稱該國王孟旣遣正副貢
使攸關呈金葉表文稱今年應貢伊國中蒙

大皇帝福風調雨順夷民安業謹備金葉表文一道
長壽佛三尊馴象四隻及土產各物卽由驛奏

聞奉

旨著照例入貢 是時普洱府思茅廳所屬車里土
司宜慰司刀繩武首先集練數千往江外攻其
叔土舍刀太康被拒互鬪敗回在內地跋扈滋
事冬春節次辦定具奏詳見後摺 又是時開
化廣南邊外越南土目農文雲叛其本國殺官
侵地沿邊防堵直至十五年四月始竣事詳見
後摺

十一月季弟孔厚扶 先妣朱棺到揚州厝北
湖樓下

道光十四年甲午年七十一歲

正月十六日出省閱迤西之大理等處官兵二月末回署

三月初六日祐婦錢宜人以痲疹病醫無效卒於滇署

四月初六日奏已革車里土司遠逃未獲地方安靜撤回兵練另擇襲職以靖邊圉皆奉

旨行 初車里土司刀繩武生甫數月其父刀太和即死繩武襲職其叔刀太康撫孤代辦多年教繩武讀書娶婦將印務全交與繩武而自退於

江外爲土舍分守數猛之地太康去後繩武聽
譏謂其叔欲謀奪土司害姪太康言我於彼襁
褓時醫藥撫養不於此時謀奪而謀奪於交印
後耶繩武和於南掌國南掌與暹羅一氣暹于
臘者小部落又名三撮毛最悍野敢戰叛於緬
甸而歸於暹羅緬與暹相仇常與暹戰戰則
必經車里流言繩武唆暹緬甸邀繩武出證眞
假遂於會處擄繩武入緬數年騰越同知胡啟
榮囑內地商人之質于緬者曉緬曰繩武唆暹
無據留之理不直且此事尙未奏

聞再遲不能不奏若興師問罪爾何苦爲一匹夫而失恭順於

天朝於是緬王送繩武交胡同知入關到省時總督長公相文襄公欲革之另襲胡丞固求免革居之於思茅廳并令與其叔丞相和睦具結完案乃繩武聽漢奸之唆仇叔不已於十三年詭出思茅城集練數千逕往江外攻叔渡江後遇叔練闖敗而歸繩武僞豎綠營旗幟其叔過江見旗卽退去繩武不向城復唆使被闖之民數千乞食於官欲官助之以兵以殺其叔官不允助

遂自擁練再鬪再敗敗後復招黑裸猓子各夷人爲助給以頂戴糧用不足則劫往來鹽棉客貨得錢放行以爲食自行教操違者已斬多人伊撫軍署督印諭招其散練歸休不回稟不聽招遂奏叅革之且奉

旨不許助兵時胡啟榮已任南道自以爲恩人軍興往諭以爲必感恩聽諭矣乃繩武自出跪迎而隨練千人鎗刀夾道林立以耀其武終不能交一言而散守備佐雜之往諭者坐之帳房之中以小故立斬一馬夫獻首級於官前以赫脅之

卒不覆稟八月 大人返滇復以印諭論之仍
不聽不歸其意竟并官亦不懼跋扈之象已成

大人乃決計嚴檄鎮道邱鳳岐等進兵捕之
乃擡砲過山一鳴斃其前鋒猜夷餘皆潰散竄
走繩武札三營三卡聞頭卡破卽先自騎馬帶
印逃矣 大人預諭不許遠追殺散逃之人十

四年春奏以太康之子繼爲太和之子襲職其

詳見後兩摺中

摺畧云竊照思茅車里土司刀
繩武輕聽奸徒播弄屢次集練

先向伊叔士舍刀太康聞聞抗不遵諭解息甚
至脅官求兵僞助縱夷激畔內地被其騷動謬
妄不職當經

奏明將刀繩武士職褫革如其知悔來投按其情

諭旨

節酌辦嗣因刀繩武仍不知悔帶其隨練復糾
裸夷多人據山札卡再向招諭仍不解散自投
經該鎮道斥退裸夷派令弁兵攻捕刀繩武卡
破練潰帶印遠逃又經奏奉

飭令鎮道委員追踪緝拿在案臣等因該處擾

亂難息民夷多有流離並令妥爲撫輯再行次

第酌撤防兵其所遺車里土職亦連查合例之

人承襲去後嗣據普洱鎮印鳳岐迤南道胡啟

榮委員林樹桓錫麟等稟稱刀繩武携印不繳

於潛逃後向沿邊等處人刀繩武仍無下落邊地荒

從漢奸王濤等數人刀繩武之餘已不能再滋事端

曠自已遠逃邊外竄亡之餘已不能再滋事端

不值令兵練深入外域窮追其所携士印亦難

保無失落且以已革邊逃之人卽使執此廢印

亦屬無用現在責令沿邊隘目留心偵查去路

密爲購緝並諭外域近邊土目如有逃入卽行

拿送另行稟報藉理至土舍刀太康本有分管
之地刀繩武聽讒猜忌因與齟齬前此互鬪之
後刀太康道諭解息撤練退回乃刀繩武結衅
不休頻結裸夷漫入內境騷動地方自加調防

兵震以威勢并於捕拏刀繩武時先行斥散裸
夷始就安貼現查所散裸夷皆已歸其邊外原
住山巢被脅及逃亡夷民分別招練安撫亦皆
復業料理春耕除酌留本處防練外將先認之
目練及弁兵一千數百名并續調之官兵千餘
名於正二月分起撤回所遺車里士司世職查
定例土官緣事革職提問不准親于承襲另擇
本支叔伯兄弟及兄弟之子繼襲今刀繩武負
罪帶印遠逃其子例應停襲以杜後衅當卽諭
飭車里所屬十三版猛各土弁人等秉公選舉
查明刀繩武並無兄弟親支惟其祖刀士宛生
其父刀太和與其叔刀太康二人太康係
嫡親兄弟止此兩支此外遠支稀疎亦多事故
無人可襲刀太和現有二子公議以親支土舍
刀太康長子刀正綽年已及歲繼襲與刀太和爲
嗣襲職且其刀正綽之親孫夷衆各皆悅服
無不踴躍各具保結自應卽以刀正綽繼襲俾
刀士宛刀太和之世系不絕而土境亦有責成
照例將宗圖間結呈報至刀繩武家口未便留
存邊地已真結獲漢奸分起解省聽候照例查

辨等情前來臣等查已革土職刀繩武既因遠
逸邊外追緝未獲自不值令沿邊隘口偵查密緝
涉紛擾該鎮道等已責令沿邊隘口偵查密緝
并諭外城近邊土目等送候有無弋獲另行核
辦現在理夷散盡歸業土夷各皆復業歸耕兵
練撤回內地甚為平靜所遺土職應即舉定以
資撫馭從前乾隆年間土司刀維屏棄職帶印
潛逃復經投回監禁其遺職以刀維屏之弟刀
士宛承襲改領印篆刀士宛即刀繩武之祖今
刃繩武始而尚係同室操戈迨後勾結要挾騷
動內地於革後猶復帶印竄逃與刀維屏無異
則其家屬例應遷徙安插其子不准再襲實為
罪所應得茲經鎮道等飭據十三版籍土弁公
議以士舍刀太庚之長子刀正綜繼與刀太
為嗣襲職吏舉悅服上境亦有責成是揆
例既屬相符察之輿情亦皆允洽臣等另行照
例具

題

其錫印并請由部另頒以重職守至車里極邊
荒遠處處與緬甸南掌及暹羅戛于騰接壤土
司新襲仍令鎮道督飭該應襲土司暨土舍刀

三

三

三

太康各猛士弁等同心協力辦理永靖邊藩不
得稍有貽誤致干罪戾所有前調兵練應需鹽
糧及撫恤等項均係於滇鹽溢課留備本省邊
用項下照案支用毋庸另行動款除刀緝武家
屬應徙之地並附陵之漢奸等犯確審定擬另
議外臣等謹恭摺具

奏奉

上諭阮元等奏查辦思茅土職滋事始末情形撥回
兵練並已革土職遠逃未獲另擇承襲一摺雲南
思茅屬所屬已革車里土司刀繩武因輕聽奸徒
播弄屢次集練向其叔土舍刀太康閩聞諭令解
息覓抗不遵甚至脅官求助縱夷激畔謬妄不職
前據該督等奏明業降旨將刀繩武土職革職
因其不知悔罪仍復勾結裸夷始終抗拒玩經內地
派弁兵攻捕卡破寨散帶印潛逃是刀繩武先之
同室操戈洵屬罪無可追現據該督等飭令該鎮道
動內地實屬罪無可追現據該督等飭令該鎮道
委員分飭兵練追緝拿諒已革土司遠逃邊外
不能再滋事端自不值令兵深入窮追祇須責令
沿邊隘目留心偵查去路密爲購緝並諭外該近

邊士目如逃入卽行拿送內地治罪其附合刀繩
武之漢奸夷奸幫唆擊衅情殊可惡雖據截獲王
濠等數犯解省審辦此外恐尚有倖逃法網匿迹
潛踪必須密速訪拿從嚴究辦仍一面出示明白
曉諭不准此等奸徒妄肆雌黃搖惑生事所有前
調兵練著卽撤回應需鹽糧撫卹等項旣據稱係
於滇鹽溢課留備本省邊用項下照案支用毋庸
另行動款其所遺車里土司世職現在刀繩武旣
經負罪帶印潛逃家屬法應另徙其子不准再襲
茲據該督等取具宗圖冊結另擇合例之人奏請
承襲著照所請准其以土舍刀太康之長子刀正
綜繼與刀太和爲嗣承襲車里土司世職以專責
成所有應行另頒銅印著該部照例辦理至車里
極邊荒遠接壤外夷土司暨土舍刀太康各猛土弁
鎮道督飭該應襲土司暨土舍刀太康各猛土弁
等慎守土職內安外和遇有應辦事宜飭遵辦理
永靖邊圉不得稍有貽悞另啟衅端致下罪戾欽
此

又摺云竊照思茅廳所屬土里土司刀繩武向
其叔土舍刀太康攻闕不遵解息先經

奏革尉因其不知悔罪投歸且又勾裸夷經弁兵

摺具

奏外臣等復查滇省沿邊土司悉係內地藩籬土
司之伯叔兄弟皆爲土舍各有分管之地其土
司舍日多與外域往來修睦車里土境在西南
極邊其地約有數郡之廣全境插入外域東南
隣於南掌西南隣於緬甸而暹羅所屬之部落
戛于騰又鄰其南境內十三版猛地方分內猛
外猛各立土弁分理由土司統率其中有荒遠
悍野數處卽不全服土司嘉慶八年經前撫臣
奏明有案刀繩武生甫兩月卽父死承襲全由伊
叔刀太康護理迨刀繩武及歲婚娶刀太康方
退爲土舍分居於外猛與緬甸隣近相與修睦
因緬甸與戛于騰向來不和南掌又與戛于騰
親好刀繩武不知避嫌處置失當偏向南掌戛
夷適有奸徒播弄以致緬甸有疑及刀繩武之
事被擄入緬土境乏人曾以刀太康暫辦至道
光五年內地曉諭緬甸始將刀繩武由騰越送
回仍充土司因其與刀太康債有嫌疑曾令亦

奏

目人等解釋歸於和好經前督撫臣

明取結立案迨後刀繩武因自緬送歸既身欠

緬債復續欠漢債被緬言仇及其叔遂謂蓄謀

商派未就因而輕聽謔言仇之地於道光十二

害姪欲逐刀太康全收外猛之致成互鬪刀繩

年冬間集練向攻刀太康抵禦致成互鬪刀繩

武潰回之後許以割裂猛地分酬幫附之諸奸

並寄字南掌及曼于騰之屬夷猛喃等助練未

果刀繩武又妄給俸夷以土弁職銜擾及內地

且欲請官兵幫助官不允助遂縱使所糾之人

冒充難民騷擾內地人心搖動非將其褫革無

以弭衅迨至革後尚令招諭自投詎刀繩武又

添聚裸夷始終藐抗不得派弁兵攻捕及至

兵到卡破練故自行帶印潛逃是刀繩武先之

同室操戈猶為可恕而後之糾結外夷脅官既

後以刀太康欺矇疑蹟據飾辨稟矜民亦代為

投呈請兵經鎮道委員查明均無實據因叔姪
互相怨望矜民亦聽囑懲控此刀繩武肇衅諱
飾及漢奸附和干預之情由也臣等查極邊土

司舍目俱當和外安內爲邊界屏藩刀太康以極邊土舍尙知內地法度此次鮮起家庭由於刀繩武先發自不能深責刀太康加之以罪且暹羅與緬甸有仇從前緬甸交攻卽以車里爲兩戰之地夷民逃散近年始多安息刀太康與緬人素和而於南掌暹羅未甚款洽前次夏于職受刀繩武之凌曾向刀太康詰責嗣南掌進貢使目過刀太康之地刀太康卽與之誓水盟和意將由此通睦於夏夷是刀太康輯睦外夷尙爲有術緬甸自乾隆三十年間屢侵內地數爲邊患致興經畧大兵勞費甚鉅至乾隆五十二年緬甸始請入貢上年進貢遣使到滇感仰德威臣等亦懷柔維厚南掌上次入貢來滇亦極馴謹戛于職屬於暹羅近於南掌今刀太康處於極邊界於數國之間先修睦於緬甸今又與南掌盟和戛夷與緬爲仇而與南掌相親可由南掌而推及戛夷使戛緬之隙漸消則土境亦可無牽擾之虞乃刀繩武不知遵依前諭和其骨肉屢以私忿而先攻舍目固知其必自蹈於潰裂是以屢飭解息假使因其蠻觸相爭

聽士司矜民之請偏助以兵遂滅其叔則刀繩
武不睦於緬如以憂夷木不忘緬而緬亦時防
憂夷憂夷終必有事於緬緬亦必疑及刀繩武
黨附掌夷豈不遷鮮土境兵連禍結甚至涉及
內地致有不能收束之勢是刀繩武之乖謬追
源竟委何可曲徇任其償事今已礮革所遺土
職刀氏世系寥落但乾隆年間前土司刀維屏
帶印綬逃離投回監斃亦不准其子承襲茲若
再以刀繩武之子議襲無論事係違例而現在
各猛土弁尙許刀繩武之劣蹟是子踵父習更
恐內鮮復生外患亦至自應照例於親支內另
行選舉茲據鎮道等查稟親支內惟刀繩武之
父刀太和與刀太康爲親兄弟土弁目夷公舉
刀太康之子繼與刀太和爲嗣頂襲衆情允協
舍此別無可疑之人則當以邊地安和爲重未
便以叔侄嫌疑拘泥微節以致另起爭端貽誤
將來况刀繩武被革不投歸待罪反攜印遠逃
自絕其子之襲家屬法應另徙與其伯祖刀維
屏如出一轍今爲其父刀太和立嗣繼襲以延
其祀亦已

國恩加厚無有偏抑業經飭令鎮道明白曉諭以杜
潛跡之漢奸夷奸妄生姓黃搖惑生事此又臣
等與鎮道往返飭查先後酌辦期於邊地安和

免生各詳之緣由也前次

奏報因有未經查出情節尚未詳晰聲叙茲已事

竣臣等謹將辦理始末各情形恭摺奏

聞

案此

案此案所以遲捕者漢夷流言皆謂當助姪

滅叔聞於四遠之故若照彼辦法必多邊詳

六月季弟孔厚復到滇署 是時恭遇

草恩

大人請馳贈外祖父林公諱廷和爲協辦大

學士外祖母俞夫人爲一品夫人

八月祜帶婦柩回揚州

石畫記四卷成

道光十五年乙未年七十二歲

三月初三日接吏部咨奉

上諭阮元著補授大學士管理刑部事務伊里布現在起程來京陛見阮元俟伊里布回任後再行來京供職欽此卽在署恭設香案九叩謝

恩并卽專差具摺謝

恩又奉

上諭阮元著充體仁閣大學士欽此具摺謝

恩又奉

旨阮元著管理兵部欽此

四月越南叛目農文雲被咬兵勦逼身死雲南

巡防事竣奏撤兵練先是十三年秋越南保樂
土州目農文雲謀叛其國聚衆掠地戕官陵兵
追捕未知勝負卽飭沿邊文武調集兵練巡防
陵兵追逐近邊務須攔截不許逃匪一名竄入
亦不得貪功生事妄爲殺戮奏奉

硃批覽奏俱悉所辦亦好又於不殺句奉

批所見可嘉之至十二月農文雲已被陵兵攻破逃
匿彼境陵兵未能窮搜轉謗云在雲南邊界之
內遽行撤兵回國該國王輕聽之率行照會來
滇請拏交辦等語當照會到滇之日已是十四

年春農文雲復出猖獗之時是年夏秋該國復多徵調秋冬陵兵再集攻破保樂州農文雲敗逃至燕岩洞自盡計內地十三年巡防陵兵撤而內兵未撤直至此日始撤回官弁兵練具奏

摺畧云竊照越南保樂土州農文雲前年內闖敗逃之後復出侵據地方上年秋後經該國添兵進攻是否分路攻入當飭開化廣南鎮府查探並率兵練巡防不容潰夷竄入將情形

奏

報在案茲據署開化鎮它克它布開化府魏襄稟報探得陵兵分三路進攻兵數頗多西路陵兵由擺浪河等處燒殺打仗農兵敗逃於上年十一月內陵兵已攻入保樂土城農文雲及其黨屬俱已先遁陵兵追捕農黨至念村地方擒獲多名夷民有降有逃問有奔至邊隘者經文武委員帶同民練堵逐遠去十二月杪據陵目投文邊卡汎弁內稱分兵搜勦巢穴已破農

文雲妻子黨夥夜竄如遇移竄貴轄亦祈防截
擊交之語查陵人素習虛詐農文雲於十三年
冬間被陵兵攻敗逃匿未能窮追搜獲轉誘稱
在雲南邊界以致該國王咨呈來滇適值農文
雲已於上年春間在彼境復出猖獗當將原未
竄匿邊界現又復出滋事照會該國在案今此
次陵兵攻潰農匪又復夜竄來文稱若遇移竄
所截擊交可見彼亦明知農文雲實未逃近滇
邊但現當農黨竄亡之際要目未獲餘匪星散
內地邊隘更宜嚴加防範使無藉口復酌撥兵
練多設旗幟帳卡以示嚴肅而杜竄越並據廣
南府施道生署參將吳虎臣稟報探得東南路
陵兵雖得勝仗農文雲仍無下落現率邊隘兵
練嚴密巡防以杜潰匪竄入民夷均各照常安
堵各等情臣查該國分兵攻破保樂農文雲敗
逃陵兵未能卽獲勢必在彼境轉輾竄匿除飭
該鎮府等督率沿邊兵練周密嚴防并確探農
文雲果否黨盡勢窮陵兵有無處處搜捕就獲
隨時馳稟外理合恭摺奏

摺畧云竊照越南保樂土州農文雲逃後被及
兵追捕自盡現已事竣邊外安靜并內地巡防
兵練分別裁撤緣由恭摺奏

聞仰祈

聖鑒事竊照越南保樂土州農文雲內闕自道光十

三年以來兩次擁眾滋事於道光十三年冬間
被該國擊敗農文雲潛匿旋又嘯聚保樂肆出
焚劫挫折校兵奪地據城所有滇邊開化廣南
等處均經派撥兵練巡防迨上年秋後該國派
大兵分路進攻農文雲先遁其夥黨或拒或逃
恐致內竄復添撥兵練嚴密防堵嗣據開化鎮
它克它布開化府魏襄探稟農文雲潰逃當校
兵追逐之際因內地防卡軍威嚴肅旗帳連接
號砲不斷成股之匪無敢近邊內竄卽校兵亦
其見嚴密均向保樂東南奔走追逐本年正月
月內先將農匪之江烈等路十日阮允高等
內外夾逼俱向校營投誠越南領兵官亦意進
招安惟農文雲逃匿尙無下落又據廣南府施
道生參將吳虎臣探稟校兵追捕僅獲其黨屬
眷口現在校兵向東面弄標等處躡追農匪踪

跡各等情臣復飭該文武督率兵練留心巡防稽查去後茲屢據開化廣南鎮府等稟報至陵兵追捕費匪零星潰夷間有潛來邊境者俱經隨時遣逐並無一名入卡有農黨何兵頭黃小五等一起十餘人竄至開化邊隘欲潛入卡經委員官募人率同兵練登時拿獲適陵目阮文瑜等追至諄求發交領同究辦因係外匪准其領去該日深感內地防截夾逼之嚴至農文雲查並未匿近滇邊邊外陵兵仍逐處搜緝茲探得三月初十日陵兵自弄標追跡至燕岩洞地方因洞險草深用火逼攻搜獲農文雲自盡屍身領其母妻指認屬實卽取首級同農文雲之眷屬及降目十數人派兵解回該國並將保樂分爲底定永奠二縣設立正副官管理云令民間開市交易現將留兵分起撤回爭戈已息邊外安靜其陵境西尚遠地本皆安靜無事請將內地設防兵練裁撤各等情前來臣查現在外域已靖開化廣南邊隘兵練毋庸再防自應卽行裁撤除飭將官兵練丁分別撤回外惟保樂尚係新定地方已極凋憊內地邊界仍於要口

酌設巡卡與附近汛地協同稽查以嚴出入而
肅邊境其兩年以來設防兵練所需鹽糧獎犒
及卹賞犒故兵丁添置旗幟等費照案於鹽課
溢餘備邊項下支用毋庸動項另撥謹將越南
保樂土州內闖經該國辦結事竣並內地巡防
兵練裁撤緣由恭摺奏

聞

又夾片再越南內闖自道光十三年四月先有
黎維良等起事旋又有保樂土州農文雲聚衆
擾亂至十五年三月該國始行辦竣內地開化
廣南沿邊遼澗處處與滋事地方逼近派撥兵
練防堵幾及兩年鎮府等督率辦理俱屬嚴密
得體除開化鎮宅克宅布係屬總兵大員毋庸
請敘外其准陞開化府知府魏襄措置有方防
範周密始終其事仰懇

天恩

交部從優議敘廣南府知府施道生前署廣南
府事威遠廳同知恩長署廣南營叅將事元江
營叅將吳虎臣署開化鎮中軍遊擊事普洱鎮
右營遊擊邵鶴齡署開化鎮左營都司事曲靖
協中軍都司常景運先後駐卡督防俱屬勤勞

均懇

勅部議敘前署文山縣試用知縣宮慕久頗有才識
委令在邊巡防年餘身處瘴地勤奮出力署廣
南營守備撫標雲騎尉世職李峯派防日久巡
堵認真可否邀

恩將試用知縣宮慕久遇有邊繁知縣缺出儘先酌
量補用雲騎尉世職李峯遇有應題守備缺出
儘先補用以示鼓勵出自

鴻慈臣謹附片奏懇皆
准行 案此次邊費用銀二萬餘兩

六月仲兄及祜服闋到京各赴部行走

六月初八日 大人交印與伊制臺起程北上

八月二十日到 宮門

召見謝

恩後入內閣任事并到翰林院任又到兵部辦事

二十三日奉

上諭大學士阮元年逾七旬著於兵部應行帶領之日免其帶領以示體卹欽此

九月奉

派武會試圍監射

十月

太后萬壽

皇上恭上

徽號

遣阮元捧表恭進蒙

太后賞衣料荷包 是月

覃恩封贈三代大學士

十一月奉

派往西陵

孝慎皇后神位掃青又奉

旨兼署都察院左都御史事又奉

派同長公相齡恭點

孝慎皇后神位清漢神字

十一月大兄所生大姪恩海服滿娶妻于寶應

劉氏卽劉端臨先生之孫女

道光十六年丙申年七十三歲

正月十六日

派廷臣宴并

賜玉藝蟒袍等物

二月奉

旨充經筵講官

二月上丁奉

遣祭

至聖廟齋宿國子監

三月二十七日祜妾徐氏生子恩亮

四月

賞人參六兩

五月三十日季弟孔厚生子恩勤

四月充

殿試讀卷官此榜狀元爲林鴻年等又閱庶吉士散

館卷卸都御史事又

命教習庶吉士 祐母劉宜人到京 又奉

命充正冊使持節

冊封彤貴妃

九月奉

派武會試圍監射

九月十二日仲兄 母謝宜人因早衰精神弱
極病故於京邸內寢得年五十有五

十二月二十五日季弟孔厚妾又生子恩功

祐謹案凡蒙

派同長公相文襄公查戶部砵碼事及大學士會同
軍機刑部審定各欽案事甚多不具錄又每年
封印後

派入乾清宮在

御前賞福字又加壽字每逢

坤寧宮吃祭肉年節

賞荷包箋筆鹿菓端午紗扇等件歲歲有之亦不具

錄

道光十七年丁酉年七十四歲

正月十六日

派廷臣宴并

賜玉藝蟒袍等物 是月仲兄嫂姪恩光恩山扶

謝母柩回揚厝雷塘

二月上丁奉

遣祭

至聖廟齋宿國子監

三月二十二日祐又生子恩延 姪恩海補儀

徵縣學生員

二月

經筵奉

旨派講四書論

三月

皇上謁

陵派同悖親王長公相湯冢宰

金鉞

爲留京辦事大臣

輪宿禁城

四月

賞人參六兩

八月上丁奉

遣祭

至聖廟齋宿國子監

道光十八年戊戌年七十五歲

正月十四日

派廷臣宴并

賜玉藝蟒袍等物 十七日因風火濕氣面腫告假

十五日愈後銷假

三月

皇上謁

陵派同肅親王惇親王奕家宰經爲留京辦事大臣輪

宿禁城

三月初八日因右足濕熱行走艱難請假半個月蒙

賞假二十三日假滿請展假二十日蒙

准展假四月十三日仍未愈奏懇開缺蒙

恩再賞一個月假安心調理

求開缺摺 奏爲足疾未愈氣體日衰深恐誤

公懇

恩俯准開缺事竊臣腿足患濕多年近因氣血日衰

精神軟弱場壘經面陳蒙

恩寬諭倍切感惶今自入夏以來濕熱舉發更重脛

間痛痿艱於步趨兩次乞假蒙

恩賞假調理一月有餘醫治仍未就痊心神更多委

頓伏思內閣爲絲綸重地兵部爲戎政總樞豈

容以老病之軀久瘵職任計此日假滿卽應恭

請

聖安照常行走惟臣年已七十有五質同蒲柳景迫

桑榆近來不但稿案多致健忘抑且舉止不覺

舛錯臣自顧菲材受

皇上天高地厚之恩

擢用至大學士詞臣榮遇倍極優隆卽此身體骸骨

皆非已有曷敢私圖安逸自外

生成祇因衰憊情形時深憂懼惟有籲求

聖恩俯准開缺調理庶重任無致久曠臣心得以消

安一俟醫治痊可卽當趨詣

宮門叩謝

天恩面聆

訓誨臣不勝惶悚之至伏祈

皇上聖鑒謹

奏

謝再

賞假一月安心調理摺 奏爲恭謝

天恩事臣因病軀難以供職懇請開缺調理本月十

三日奉

上諭阮元著再賞假一月安心調理欽此竊臣年當

衰暮病復纏綿本愧駑駘况數齒而加長自維

蒲柳經後秋而亦零乃蒙

溫諭優加假期屢展素餐滋惕竭蟻罔以難酬

丹詔頻頒戴

鴻慈之逾格臣惟有專心攝養剋日醫調尙病體稍

可支持卽銷假以承

慈眷所有微臣感激下忱謹繕摺叩謝

天恩伏乞

皇上聖鑒謹

奏

四月

賞人參六兩

五月十三日再奏請解任休致

摺云 奏爲假滿病未就痊仍懇開缺以重官守事竊臣前因病勢未痊奏請開缺仰沐

皇上恩施再行

賞假自問月以來多方療治未能見效皆因多年濕

熱及邊地氣候雜入氣血之內以致右足筋絡

疾痛若濕滲太甚則喘急心忡頹弱之情支持

不住伏念臣蒲柳衰資桑榆暮景健忘恍惚遇

事模糊乃因老病之日增渥荷

聖恩之體郵假期屢展

慈注就痊焦灼日深寸衷憂迫固不敢辜

恩而輕爲離職更不敢恃

恩而弗懼曠官萬不得已惟有仰懇

天恩准予開缺休致此後如醫治仍難輕減俟秋涼

再回籍調理南中尙有良醫僅臣犬馬餘生得

大造生殘喘則此晨昏歲月悉出自

所賜矣爲此瀝情恭摺具

奏伏乞
聖鑒臣不勝悚惶待

命之至謹

奏奉

上諭大學士阮元由翰林洊陟封圻敷歷中外經朕
簡任綸扉綜理部務盡心職守清慎持躬前因病
請假復經具摺籲懇解職朕疊予假期俾資調養
茲復奏稱老病日增醫治未能速效力請開缺情
詞肫切若再慰留伊心恐曠官轉難調攝非所以
示體恤阮元著准其開缺以大學士致仕加恩賞
給半俸用示朕優待耆臣至意欽此

謝致仕食俸摺

奏爲恭謝

天恩事臣因病

軀難以供職懇請開缺休致本月十

日

卷七

三

楓宸體恤原衝

寵給仍邀黃閣之榮半俸叨支倍切素餐之懼從此

衡茅戀

闕長向念於

大廷庶幾骸骨餘生冀少延於

盛世所有微臣感激下忱謹摺叩謝

天恩伏乞

皇上聖鑒謹

奏

八月十九日奏休致回籍日期

奏爲奏

聞事竊臣家

恩眷子致仕並邀

賚食半俸優示體卹仍

命到署感沐

鴻慈論肌決體現在足疾仍未全愈右腿出水過多

浮腫酸痛行步甚難精神衰弱及此尙能食息

擬於八月二十七日起身由水路回籍調理惟

是身離

弟子記

卷七

三

川上三

閣下心向

日邊依戀之情繫於寤寐伏念

聖主恩重如山涓埃未報撫躬循省萬分不安所有

微臣冊籍日期理合具摺陳明伏乞

皇上聖鑒謹

奏

本日奉

上諭大學士阮元跋歷中外宣力五十年清慎持躬
克盡職守前以年邁多病再三懇請解職已俯如
所請准其致仕在家支食半俸茲據奏明擇定行
期朕心彌深眷注著加恩晉加太子太保銜從茲
怡志林泉善自靜攝俟辛丑年朕六旬萬壽慶辰
屆時身體康健卽行來京祝嘏以慰厘念欽此

二十日具摺謝

恩 以上數摺因足疾不能到 宮門皆祐所捧

遞

謝恩摺云 奏爲恭謝

天恩事本月十九日內閣奉

上諭大學士阮元數歷中外宣力五十年清慎持躬
克盡職守前以年邁多病再三懇請解職已俯如
所請准其致仕在家支食半俸茲據奏明擇定行
期朕心彌深眷注著加恩晉加太子太保銜從茲
怡志林泉善自靜攝俟辛丑年朕六旬萬壽慶辰
屆時身體康健卽行來京祝嘏以慰厯念欽此
竊臣猥以菲材忝居高位渥承

簡畀受

朝雨露之施未嘗涓埃無一得芻蕘之獻撫躬循省
時切峻維遂以老病纏淹蒙

恩教仕歸期初卜

溫諭重闕朕明

卷二

三

牙子言

卷十

三川又上

天祿之遙頌更荷

宮銜之特晉

鴻慈疊被冀蘇病骨於秋風蟻悃難忘盼效歡呼於來歲此日言歸梓里衡門常被

恩榮他時再覲

恩宸

壽寓同伸舞蹈所有臣感激下忱謹繕摺叩謝

天恩伏乞

皇上聖鑒謹

奏

八月二十四日由東便門下通州上船十月十

四日到揚回大東門福壽庭宅

補本年二月初十日命

四姪恩光娶于海寧許氏許爲癸巳進士署鎮

江府知府名捷公女七月十八日姪女恩朝

于歸仁和許氏庚辰榜眼兵部尚書許公乃普

之子彭壽丁未會元 欽點傳臚 授翰

林院編修

甘泉受業羅士琳校

吾鄉儀徵師相數歷中外振卓古今專門並
興實事求是立德功言以名世通天地人之
謂儒計師相生平惟前後撫浙之日最久門
下士烏程張秋水選拔拳拳服膺私記行事
凡其出處學問經濟勲業諸大端莫不畢具
計得二卷題羣公子放而續之又得若干卷
今

子告歸里怡志林泉

士林

幸得親承警欵獲觀是

編竊以盛名鼎鼎久爲海內所欽其所以實
大而聲宏者蓋良有自也爰請截至道光十

八年冬回籍日止先行校刊後有編次俟續
刻焉龔黼敬綴數語于末道光二十一年
二月甘泉受業羅士琳謹跋

雷塘庵主弟子記卷八 小門生柳興恩續編

道光十八年戊戌年七十五歲

十月公名福壽庭之并曰怡泉

學經室再續集卷三節性齋怡

泉記云後宅節性齋小井或云此井甚甘汲之烹茶色清味甘無城中井水濁鹵氣于是一家井養并汲于此既清且潔余歸里兩奉清慎持躬之諭又奉怡志林泉之諭因此井清甘卽名之爲怡泉云

十一月公敬遵

恩諭怡志林泉賦詩十韻

學經室再續集卷十一又題仲嘉弟珠湖漁隱圖五

言絕句十首

十八日命三子祜續娶于嘉興錢氏

刑部尙書太傅文端公元孫女福建馬家港通判錢公燕喜長女

十二月十

二日公次子福除生母謝喪服歲杪公命之納

妾張氏

公長孫恩海

長房

實補儀徵縣學增廣

生員

道光十九年己亥年七十六歲

正月

賜坤寧宮祭

神肉公具摺謝

恩

聖經室再續集卷四

奏爲恭謝

天恩事正月初一日由內務府傳

旨賞臣祭

神

肉一方交臣子刑部候滿郎中臣阮祜差八齊全原

籍臣謹叩頭祇領伏念臣以年老乞身誠

恩歸巨際韶光之改歲頌

帝澤之如春遙望

闕廷夙夜每深夫依戀曾調鼎鍊涓埃無補於

隆平方滋感棟於中賜乃荷

寵頌之下逮念

聖主履端行慶遍寰宇以

恩膏而徼臣伏處邀榮更飫

天厨之福昨既濫叨夫

詔祿自愧虛糜復拜

賜於誠禮彌殷戴臚歡梓里共叨鑿軒舞蹈之忱

引跋

楓宸不勝

雲日就瞻之慕所有微臣感激下忱謹繕摺叩謝

天恩伏乞

皇上聖鑒謹

己亥新正二日晨起祔方駕車出門忽有內務

府官來傳

旨賞父親

神宮祭

神

肉一方 跪接後始知是日早於

皇子諸王內外廷諸大臣食肉外又

諭賞前大學士阮元肉一盤是以內務府章京特齋

到門聞命自

天悚感無地因思父親年年皆蒙

派坤寧宮吃肉今已

陸辭數月之久而

聖心記注如此

恩眷非常誠異數也因用重鹽包縛專遣人星夜回

邨於正月十九日到揚時父親方與五兄在道

橋祭祠墓間

命之下迅即返城叩頭祇頌禧摺謝

恩法鹽蒸肉後率闔家跪食需

恩別差家人敬資謝摺入京 滿接摺自捧詣園到奏

事處恭送謝

恩刑部郎中臣阮祜敬記

二十日壽辰

先期赴道橋學經室再續集卷五
已亥新正往稱北渚二叔父八旬

壽誕子福及孔

南萬柳堂成

學經室再續集

厚亦隨跪獻鴈

卷二北渚墓表

己亥春正月以湖莊久沒于水築隄種柳成一別墅顏之曰南萬柳堂繪圖賦詩種蓮忽得並帶二
餘 三月公長孫恩海實補儀徵縣學廩膳

生員

八月二十四日命次孫恩洪

長房

娶于連

平張氏

前兩淮鹽政張公青選女

十月二十八日公十三

孫恩年生

公子福之妾張氏所出

十一月城北龍光寺

後樓落成公因寺中舊有康熙

御書香臺二字請出雙鉤雕造金字匾成恭率紳士叩

拜懸之

擊經室再續集卷十一有詩

道光二十年庚子年七十七歲

正月二十日壽辰

擊經室再續集卷五莫春坐宗舫遊萬柳堂復入江回真

州看桃花
同孔厚

四月公次孫恩洪補揚州府學生

員 六月二十五日公長孫恩海原配劉氏卒

七月秋田穫稻

孳經室再續集卷五穫稻詩序今人歸田用張平子賦名耳不

皆有田余己亥歸得先人之田圩而耕之爲幸
七月初乘小紅船到此綠稻盈疇柳陰連陌堂
中高樹舊有鶯巢朝暮飛鳴紅白荷花開落未
已亭中坐榻采蓮擘菱魚渠蘋滿夜螢亂飛莊
中白鷺本多忽有馴雉集而不舉真饒田野之
趣凡此皆怡志之

恩論

也八月湖復大漲水未破隄北鄉十六圩惟大

平圩等二三未破耳 水退詩序召伯湖之西
北岸近年農家皆築隄成圩凡數十圩庚子七
月大暑時洪湖水驟至日高五六寸遠近鄰圩
皆破惟萬柳堂太平圩一圩未破農佃共出苦
力取圩內田泥加爲小隄至以柴席傳之水波
已過新柳之顛十六日開下壩而江都潮頂水
仍不落是夜東北風起隄更危忽有葦草一片

大如十數畝田卽鳧葵黃白花隨風推來護堤
之東北十八九日風定潮退水乃漸落仍豐穫

八月公自訂學經室再續集以穀梁傳學序

冠其首

序云道光十六年始聞有鎮江柳氏學穀梁之事二十年夏柳氏與恩挾其書

渡江來始得讀之余甚惜見之晚也亟望禮堂寫定授之梓人與海內學者共之是余老年之一快也與恩爲余門生之門生貧而好學鎮江實學敦行之士也謹案丁未歲公延興恩館于家爲諸孫及外孫授經興恩中式壬辰江南鄉試第七名座師爲蕭山湯相國公典己未會試之門生也公外孫

十月十三日公親

書楹聯賜青藜館劉恭人五十壽

上聯云泰華寫峯壽館雙

碑色下聯詩書教子燕山五桂香

謹案恭人

爲劉端臨先生長女工詩善繪生子五恩海恩洪恩浩恩晴恩喜方清河公卽世五子皆幼恭人以慈母兼嚴父之責義方立教俾各成立恭

人所居之室曰秦華

雙碑館楹聯故云

二十七日公十四孫恩

壽生

公子孔厚之妾殷氏所出

二十八日命三孫恩浩房

娶于江都張氏

本籍臨潼三品銜張公鈞女孫五品頂戴張公熙遺腹女

道光二十一年辛丑年七十八歲

正月二十日壽辰

是時公子祐供職京師公子福又將入都惟公子孔厚常

侍起居視飲膳

二十六日命長孫恩海續娶于合肥

梁氏

前廣東運司梁公恩照長女

二月公子福入都赴部

當差 三月二十五日公子福因許公乃普署

戶部侍郎係屬兒女姻親例應迴避改掣工部

四月初八日公子福由戶部堂官奏請調回

戶部因許公陞兵部尙書也

原奏云阮福在部於一切例案用心

講求辦事奮勉合無仰懇聖恩俯准調回臣部以資熟手

奉

旨依議欽此 五月初九日公子福在部學習期滿

由本部堂官出考語保奏引

見奉

旨阮福著准其留部欽此 十九日曾孫覲傳生

恩光

出

公函致

欽差大臣伊言用咪夷制暎夷之策事不果行

欽差大臣伊片

奏該夷現在粵省情形極爲兇悍奴才接閱該省來咨不勝駭懣該夷於攻奪礮臺之後復事投遞夷書列款請求奴才雖不知其所列者幾所

求者係屬何事但思該夷逞強要挾辦理諸形棘手制勝之謀不嫌博採其才現接原任大學士阮元來函以風聞粵省情形該夷未能馴順晝夜焦思素知在粵通市各國啖咭利之外惟其接濟不敢觸犯而味夷在粵向係安靜非若啖夷之頑梗若優待味夷免其貨稅又將啖夷之貿易移給味夷必感荷天恩力與啖夷相抗且啖夷之船礙多向海外各國租賃裏脅而來若味夷為我所用各國間之無難瓦解至味夷既經受恩啖夷心必不服各省口岸必有一二處被其衝突殊其勢既衰我堅壁清野來則應之亦不難於卻退第係病中揣測之法未識是否可行是以未敢賣奏等語奴才查此時粵省情形甚為迫切再與接戰是否必勝殊難預期如其投書陳請再與招撫又恐其求索煩多勢難概准第假味夷之力以制啖夷似覺事半功倍難以天朝之大借助於外夷未為正理然兵法中本有伐

交之說而以夷制夷之法漢唐以來載於史策者不一而足仿而行之向非失體且以招撫喫夷與驅策味夷兩事相較亦屬此善於彼阮元之策似亦不爲無見惟味夷能否制服喫夷是

否肯爲我用此外有無窒碍之處奴才未能深悉卽阮元離粵多年亦恐不無今昔之異理合附片密陳上求

宸斷倘蒙採納仰懇飭下署兩廣總督臣琦善體察情形密爲措置伏乞

聖鑒謹奏

七月命十孫恩亮

房聘吳江陳氏

癸巳進士吏部

文選司主事陳公宗元女

九月二十三日曾孫泰傳生

十月公子祐

由刑部堂官派兼辦督催所事 十二月初五日命長孫恩海葬清河公於甘泉白陽山

石門方廷

湖廣阮彬甫觀察傳君諱常生字彬甫號小
雲江南通州府儀徵縣人爲雲臺師相近支
族子幼而端重岐嶷於羣從中獨憐愛之師
官詹事時江夫人卒無子泚固封君命以君
爲嗣嘉慶初授受禮成師官內閣學士
兼禮部侍郎君蒙恩得二品廕生丁丑考
授主事君賦性謹厚弱不好弄服浣濯之衣甘
淡泊之食無紛華聲色之好試棘闈屢薦不售
硃硃孳孳恆以自勵未嘗怨有司之不公不明
也服官戶曹前後凡十五六年精白盟心常俸
外雖絲粟不敢妄取諸曹兼捐納房事者飯食
銀視他司爲優君自謂世家子不可占人地步
屢辭乃免君例案嫻熟不辭勞瘁堂官咸倚重
之山東司司各省鹽務君以隸籍淮南父兼兩
廣鹽政固辭不淮君奉派勦理寶華峪吉地
前段工程君賃車攜老僕往宿邨氓土室中僕
任炊爨君恆助之旦起詣工所督率工徒砌築
基址及栽植樹株之役及暮而返不與要人交
一言亦不於公所支取一物歷四五載始終守
一轍或以利餌之屹然弗爲動迨大工告成以

後段承辦草率兼有侵冒之弊工員多獲重譴
君耿耿清操無瑕可議人咸歎其見之明守之
介焉庚寅冬補授直隸永平郡守郡中敬勝書
院垂廢君甫至卽捐廉修復并倡募經費以備
膏火延宿儒進士王君爲山長嚴課程別勤惰
諸生蒸蒸向學士風文教一時丕振灤河去城
十有餘里下瀕東海大橋百餘丈亘于水上夏
秋盛漲橋毀非方舟不能渡舟子需索無厭商
旅以爲病君廉知之植竿一上懸大瓦二方標
識日月論渡河者遇舟子苛索卽碎其瓦每越
日分遣丁役往驗有持損瓦告者繫舟子痛懲
之卽械諸水次以徇渡口之弊乃絕郡之明遠
樓文昌閣城隍廟歲久未葺漸卽傾圮乃一一
倡修之悉就完整君之爲治也決獄明愼不事
苛刻以博能名待寮屬和而介清而不刻胥吏
有過懲劾以儆之弗少貸故終君之任無敢舞
文而亂法漢廷老吏奚以過之治北平一載循
譽卓然爲畿輔冠旋擢清河觀察清河兼轄二
府五直隸州歲俸僅二千緡胥役執事者素無
工食咸仰給於在官故各屬皆有津貼費以資

治公君位任大加釐剔凡衝疲瘠苦之區胥減
免或刪除之視舊規僅存十之四五幕中人或
以掣肘爲虞弗顧也君於水利河渠素未諳悉
乃親詣諸河及隄廡要隘之處躬自相度偕屬
吏講求修防培築之法必歸諸鞏固而後止會
垣古蓮花池久失疏導十畝方塘淤爲平陸君
謀諸方伯顏魯輿先生籌款修復之其巡行所
屬之郡屏輿衛裁儉從天大寒夜查堡駟一車
兩馬僕一二人人不知爲監司大員迎謁者往
往交臂失之君亦不咎其疎慢也生平慎起居
節飲食一狐裘三十年見人之鮮衣怒馬者恆
以惜福相勸勉每日公務稍暇卽督課諸公子
篝燈危坐時復親爲講解漏三四下始就寢蓋
歷寒暑無間也素工楷法得柳誠懸筆意尤精
鐘鼎大小諸篆閒作官私印章直追秦漢詩古
文詞不多作亦不願留稿今存者亦鮮矣癸
巳二月廉訪光栗園先生擢任甘肅君奉楊兼
權臬司事時將屆秋讞文冊盈案旦夕坐堂皇
手披口盡不敢稍卽於逸未一月得真中書奉
孔夫人諱去官枕苦癖踊幾至滅性旋以愛

勞致疾會垣苦無良醫淹滯旬日遂至不起一
時吏民僚佐無論知與不知鮮不失聲流涕傳
所謂古之遺愛若君者庶無愧歟君之配寶應
劉端臨先生之女有五子五人咸能遵家範敦禮
讓哀麻哭泣無異成人後起熾昌有可決者嘉
慶辛酉春余謁師杭州節署始與君訂交時君
甫勝衣就傅卽工篆刻爲余製名印三數方今
猶儲藏篋中嗣是南北往來雖契濶經時而書
問不絕客歲擢觀察余又爲君屬吏朝夕相見
懇款悱惻不異曩時屈指三十二年來知君之
深者蓋莫余若矣願潦倒下吏不獲詳紀君之
善政懿行上之史官而知己之感歷久不渝因
畧舉君生平出處大概質直書之以示子孫俾
知兩家世誼之篤有如此云 典恩案此傳作
於癸巳之夏其時羣公子皆未成立嗣長君恩
海由廩膳生以防堵議敘候選儒學訓導旋中
式甲辰 恩科鄉榜舉人已酉十月 太傅公
薨以承重孫名列遺摺奉

特旨服闋後由部帶領引
見次公子恩洪以名諸生需次浙省現署常山縣知

縣有循聲次恩浩思疇恩喜亦皆騰名巽序楹
書庭誥世德作求傳所謂後起熾昌有可決者
洵非裊詞於此益歎太初十日曾孫女淑

傳生

恩海

二十二日

公葬

孔夫人于雷

塘壽壙

擊經室再續集卷一雷塘自定壽壙記

湖橋鎮西陳家橋因而記之引檀弓樂哉環邱
之言彼時因雷塘無餘地也嘉慶甲子以後在
雷塘阡地祖墓之側得地數弓樹木久拱坐向
端正且切近先祖考妣墓之右夫能近依
祖考豈復樂暇邱哉已亥歸里又再相之此為
最慰卽以爲余之壽壙繼室孔夫人殯將亦附
焉乾隆間余官詹事時甚貧江夫人棺木不堅
今必太朽且遠四十里斷不能遷矣卜地之說
余所未諳此壽壙及所謂瑕邱者曾有門生內
閣中書端木國瑚相之以爲皆吉則皆吉矣壽
壙古人多爲之漢趙邠鄉中年病卽屬兄之子
爲立員石于墓前曰漢逸士趙嘉墓岐先名嘉

及年九十在荊州別爲壽藏唐司空表聖自爲
生墳引客賦詩飲酒于墳中客或難之嘔之曰
何不廣耶此外爲生墳者不勝舉今年夏夜宿
樓上東望祖考墓松柏鬱蒼泉原交屬余以衰
跛醫意得乞骸骨將依先人而永宅乎此矣
雷塘壽墳孔夫人先葬記云晉杜元凱遺令自
定兆域法鄭大夫古冢之儉妻郭氏合葬且曰
中古以來或合或否各以己意所欲杜氏深于
左氏傳斯言必禮也今元妻或合或非以意
定江夫人以乾隆六十年葬于道橋之陳橋觀
非美禮初不能遷繼室孔夫人以道光十二年
卒于溟十三年冬到揚州殯于道橋祠右可以
合元墳既定雷塘矣爰于道光辛丑年十二月
庚子先葬此右者至于元凱妻郭氏先葬耶遺
令遷殯耶不可得而知也祠右之殯先葬待合
合乎蓬伯玉瑕邱請前之諷陳橋之殯不遷不
合合乎宋司馬石槲速朽之譏子貢願有所息
仲尼曰望其墳畢如也幸如也高如也則知所
息矣今所營卽此所謂墳也墳亦古矣壬寅正
月來雷塘墳前積雪初消松柏皆拱石楠海桐

亦數十年木也復乘椅至松南瞻望麥田觀雷塘橋水來與楊家澗水會處元凱所謂已意所欲卽已心所安也 二十三日命七孫四房恩來書此以示子孫

娶于合肥梁氏

前廣東鹽運司梁公恩照次女

二十四日會

孫華傳生

恩浩出

道光二十二年壬寅年七十九歲

正月二十日壽辰

擊經室再續集卷五壬寅正月居道橋桑榆別業十數日

茶隱

二月公子福由戶部堂官派主福建司稿

務 郡城籌辦防堵事宜公命長孫恩海捐輸

制錢壹千緡以濟經費 七月十五日曾孫女

泳傳生

恩光出

九月二十一日命五孫恩山

次房

娶于直隸通州張氏

河南候補通判張公若淇之妹

十二月

十一日會孫女穎傳生

恩海出

道光二十三年癸卯年八十歲

正月二十日壽辰適接京稟知於初八日蒙

恩賞八十壽公具摺謝

恩

摺畧云
奏為恭謝

天恩仰祈

聖鑒事道光二十三年正月初八日軍機大臣傳

旨以臣阮元八十生辰

恩賞

御書扁額題聯福字壽字佛像如意朝珠紫袍大綬

江蘇各紳交巨子候補郎中阮福等親齎到家

巨卽恭設香案望

闕叩頭祇領訖伏念臣構樛庸材菰藿下士早年

登第受

朝知遇之隆晚歲歸田被州載

恩榮之盛涓埃未効

高厚難酬何國馬齒加增復荷

龍章寵賚象占頤性符吉語於義文

恩許延齡養耆年而

賜俸荷

宸衷而嘉懋績愧無數歷之勛勞逐

天寵而錫著釐喜度優游之歲月仰瞻

奎壁福壽星聯光映衡茅吉祥雲護禮莊嚴之寶相

金鐙長生握溫潤之瓊枝花開如意數牟尼則

珠穿乙乙襲彩服則絲織庚庚却朝衫而重披

在笥之衣裳還初服而更荷章身之黼黻以臣

庸劣自端生平進不足以酬

知退徒思夫補過才難體

國忝入贊夫

黃扉禮訖乞身復臥居於綠野已幸永依

壽寓長爲下邑之耆臣何期

渥沛隆施更領

上方之珍品率子孫而瞻拜慶溢門閭集童叟以

觀瞻對勝里社此皆優蒙

眷遇終始成全感

雨露之涵濡不遺衰草俾江湖之游泳共沐

恩波惟巨膝足難踐而不能移行跬步須人而皆當

負挾叨得桑榆之景彌深葵藿之忱此時偕耕

鑿之民戴

堯天而擊壤他日申華嵩之祝依

舜日而賡歌所有微臣感激下忱謹繕摺具奏叩謝

天恩伏乞

皇上聖鑒

癸卯正月二十日爲父親八十生辰父親因辛

丑

萬壽未舉慶典臣下何敢言壽又足疾軀廢跬步須

兩人扶負不能入京方萬分不安乃今春正月

八日忽蒙

聖恩賜壽軍機處一片傳戶部司官阮福一片傳刑

部司官阮福到軍機處祇領福卽與弟粘皆到

軍機堂領賞跪領

御書頤性延齡眉頰一面敷歷宜勤嘉茂績優游養

福錫蕃釐板聯一副福字一方壽字一方戴佛

一尊白玉如意一柄水晶朝珠一盤蟒袍二襲
大緞袍袴入端江綉袍褂入端其成十亭軍儀
中堂大人指令領取奉

命之下或數請

恩亟增僕從治行裝指資斧以二月初吉發京師越

二十有二日舟抵揚州泊五臺山之河干列於

亭九恭陳

天諭珍綺父親出郊跪迎奉歸拜受道旁觀者咸歡

欣贊款謂我

朝二百年來鄉人所未有之榮

國恩家慶有光則里福備官戶部無涓埃酬報以

媿親心今幸膺

寵命邀膝下歡還鄉親拜父壽喜莫大焉戶部郎中

臣阮福敬記

二月初六日曾孫茂傳生

思浩出

十八日公三

孫恩浩補儀徵縣學生員 三月初三日公攜

子福赴道橋掃墓是夜福壽庭燬於火

公詩注云

御資皆得護出書物皆盡幸而 六月二十
在鄉否則老夫或將困鬱攸矣

七日公孫恩海因捐輸防堵經費漕督奏奉

旨阮恩海著以復設訓導歸捐班前先用欽此 七

月二十六日曾孫女富傳生恩求 十九日八

孫恩喜張原聘太原王氏卒 八月十三日公

遷居徐林門康山之右 九月公子祐以五經

應順天鄉試中式第三十一名舉人公具摺謝

恩 摺畧云
伏念臣桑樞退處芸簡詒家尚思課子以詩書

冀得束身爲廉孝際

雲漢昭回之日欣逢

壽考作人沐
露華湛渥之秋幸荷

弟子記

卷八

十一

又州六

光業及世試崇京兆不圖採小草以俱升

恩重毀廷乃得附羣材而並舉榜錄初傳於

天上感惶彌切於田間臣惟有嚴督臣子加勵蓬心

勉裁樗質務立名而砥行期致用而窮經庶幾

上副 聖主高厚生成於萬一奉

硃批覽命 乾清門恭遞循大員子弟中式

恩行三跪九叩首禮故 榜發之次日正副考官覆

命命 乾清門外謝

問及是科中式舉人內有大員子弟否考官

奏 對有致仕大學士阮元之子阮祜

諭 云 朕看題名錄內前列有一姓阮的

道光二十四年甲辰年八十一歲

正月二十日壽辰

學 經室再續集癸卯正月二十日居愛吾草廬題竹林茶

隱 卷 二十一日公子福由籍赴部當差此 後又

惟公子

孔厚
侍養

三月初二日曾孫女秀傳生

恩海出

初

十日約儀徵兩儒學重游泮宮采芹拜

聖賢於櫺星門下

學經室再續集卷六

十二日命次孫恩洪

續娶于錢塘韓氏

刑部侍郎韓公文綺女孫知州銜江蘇鎮洋縣知縣韓公

倬章女

五月二十四日命六孫恩疇長房娶于儀

徵陳氏

江西布政司陳公嘉樹女

初二日公子祐由刑部

本衙門帶領引

見奉

旨阮祐著補授刑部山西司郎中欽此

仍辦湖廣司正主稿事兼

理山西司事堂諭總看秋審黃冊記名總辦秋審處

九月十五日公長

孫恩海以五經應江南鄉試中式第六十二名

舉人公具摺謝

恩

摺畧云伏念臣里閭閒居桑榆暮景念詒謀之未善思圖報以無由臣孫恩海學陋蓬心材慙樗質

試棘闈而獲薦厠茲榜以題名小草何知渥荷九重之雨露菲材必錄重叨三世之光榮循分懷慙

撫衷滋惕臣惟有督其向學訓以持身務立品以讀書時策精勤之蛾術期黜華而崇實仰謝

高厚之奉鴻施

硃批覽

二十日會孫女發傳生

恩來出

十月命十

二孫恩延

三房

聘湖州徐氏

己丑進士大令徐公林春長女

十

一月

皇上御乾清門辦事公子祐充侍班官吏部帶領引

見歷充

御門陪奏官

道光二十五年乙巳年八十二歲

正月二十日壽辰

學經室再續集卷七乙巳年
茶隱日乘舟宿長蘆菴本欲

往北湖別業因北渚二叔爲古人
不怡于情特出徐林門往禮祀洲

下旬長蘆菴

阻雪作詩公子孔厚和焉

學經室再續集卷七
乾隆癸丑臣三十歲

正月茶宴

賜

御題杜瓊溪山瑞雪一軸

御筆題云雪景溪山寫杜瓊玉爲世界不孤名老翁驥
背循溪路輸與憑窗望者情謹案此等舊畫皆辦石
渠寶笈及時拋落次等之件

御製詩已酉春題此軸

聖日留待茶宴時分賞近臣而臣適分得此軸至臣四

上茂時浙江巡撫任內凡壽日皆茶隱於外五十隱於漕舟六十隱於兼粵撫之竹林七十隱於溪雲舟中終身避此譁囂之境及今八十二歲茶隱於長蘆庵巧遇溪山瑞雪之景是六十年前

聖人隨

手分賜之件卽定臣終身茶隱之局事如預兆恍然悚然因作蘆菴雪詩而孔厚和詩及此遂再詠敬識之

四月立夏後

滄江虹舟子以舟來請公游金焦兩山 八月

中秋公親書紈扇付瑞官表外孫

書扇云有唐三百年揚州

廿四橋繁華甲天下其飲食奢侈可知揚州府楊行密畢師鐸等爭戰不定城無食斗米值五十緡軍掠人入市賣之驅縛屠割如羊豕然訖無哭聲血流滿市此多年積孽之劫也王寅余居道橋節性齋王瑞官亦來住方十歲鄰有屠日日五更殺聲甚惡瑞官惡之從此不食肉瑞官乃王春厓觀察之孫瑞

麟也生有善根宜遂其善

十月內閣頒發

太后七旬萬壽

恩詔封贈三代太傅公子祐以

覃恩加一級本身

誥授朝議大夫妻室錢氏 誥

贈恭人繼室錢氏

誥封恭人例得封贈一代

劉宜人以子官

誥封恭人恭人著有四史疑

年錄

初二日曾孫懿傳生

恩浩出

道光二十六年丙午年八十三歲

正月二十日壽辰

公子孔厚侍養

四月初三日曾孫

嵩傳生

恩海出

二十四日公六孫恩疇補儀徵

縣學生員

六月安徽巡撫王中丞植以公

是年丙午鄉科距中式之年已經周甲例應奏

請重赴鹿鳴筵宴摺上奉

上諭王植奏耆紳重赴鹿鳴一摺致仕大學士阮元
品端學醇勤懋著年逾八袞重遇鹿鳴洵屬熙
朝盛事著加恩晉加太傅銜准其重赴鹿鳴筵宴
竝在籍支食全俸用示朕篤眷耆臣至意欽此

六月安徽巡撫王植奏爲

奏請紳耆重赴鹿鳴仰祈

聖鑒事竊照本年丙午科江南鄉試值臣監臨茲據

江寧布政使徐廣縉詳稱揚州儀徵縣

予告大學士阮元現年八十三歲由廩生中式乾隆

五十一年丙午科舉人已酉科進士改庶吉士

授翰林院編修游升體仁閣大學士道光十八年

予告回籍在籍食俸今恭逢道光二十六年丙午科

鄉試計距中式之期已經周甲應循例重赴鹿

鳴詳請

奏前來臣伏查

子告大學士阮元一代經師

朝耆舊策名芸館早歛懋於卿班出領封圻遂海登

夫台鼎泊乎十載家居自貞晚節上荷

九重主眷迭沛新

恩茲當午陛興賢兩科再啟恰值亥齡積算甲紀重

周扶鳩杖以觀光用揚

聖世作人之化賦鹿鳴而奏雅洵極儒生稽古之榮

宜與賓筵以光

盛典除咨明禮部外理合遵例恭摺具

奏伏乞

皇上聖鑒謹

奏 公具摺謝

公具摺謝

恩 招畧云竊臣維揚下士咕嚕庸儒蓬山之薄植初

成 成班輒躋於卿貳浙水之回翔未久任更兼以封

斯 斯擁節頻年和羹遠試受

三 朝之寵遇蒙

一 德之感孚復因景迫桑榆質衰蒲柳荷

生 成於格外俾休沐於田間開綠野以神愉觀

身 子己

卷八

七

黃扉而夢繞凡此
恩輝之曲被愧無纖芥之稍酬茲者丙馭重周午科

再啟

龍光特賁蟻涸增慙壤流無補於
高深違云品學鞭策難加諸衰邁奚有勲勤矧端醇

邀華衰之

褒更懋著被
溫綸之獎傳堪作輔稱太者位列三台俸以酬庸

給全者功高專闕

恩至渥也典出非常臣何人斯頻膺

異數效收稽古頭銜漫擬夫桓榮蹟並歸田齒德敢

希夫疎廣憶昔賓筵聽鹿

九重之雨露猶新於今閭里扶鳩六十之年華如駛

風淖頌從

日下依然咫尺

天顏瞻輪燦自秋中止是十千

壽南躡跼步履謹望

闕以叩頭歌舞

昇平敢稱觥而引領

昇峻秩而疑丞濫厠驚鈍難堪拜

詔稱而奉養長明

鴻慈莫報臣惟有心傾葵藿樂

熙朝化日之長詩咏壽我頌

盛世得人之盛所有微臣感激下忱謹繕摺叩謝

天恩伏乞

聖鑒謹

奏奉

硃批覽奏均悉願卿福壽日增以待三赴鹿鳴之盛

事也欽此

學經室再續集卷七王植啟正封函開適摺弁同接到京信欣知太老夫子中

堂謝

恩之摺奉

硃批覽奏均悉願卿福壽日增以待三赴鹿鳴之盛

事也欽此

王言如鑄福壽所鍾從知茂德遐齡定副

九重眷許也植謹再啟此監臨紫筆時寄致小門生

揚州府吳君之蚤尙在八月初六前未入闈封

門王植時爲安徽巡撫現作丙午監臨王植

清苑縣人丁丑進士編修爲己未翰林修撰門
生姚文田之門生姚禮部尙書諡文僖 梁中
丞章鉅浪談卷一雲臺師以丙午鄉試重
赴鹿鳴大吏奏入得 優旨晉加太傅銜並有
三赴鹿鳴之望榮寵極矣按吾師本以太子太
保原劄越加七級而至太傅如斯曠典前此所
未聞也謹考本朝滿漢大臣生前以太傅加銜
者如金文通之後洪文襄承疇范文肅文程鄂
文靖爾泰曹文正振鏞長文襄齡不過六人餘
鄭馬文穆齊佟端純國維佟忠勇國綱奉文勤
寬謝清義陞楊敏壯捷顧文端八代王文恭頊
齡張文端英朱文瑞斌發文端陳羣蔡文恭新
董文恭誥皆由身後贈太傅銜其由太子太保
越贈太傅者則惟劉文正統勳一人若吾師之
恭逢其盛眞稽古之殊榮科名之曠遇宜 十
邢江大夫士歡欣鼓舞噴噴以爲美談矣

月公子福由浙江捐輸海疆軍需保奏議敘奉
旨戶部郎中阮福著以知府不論雙單月選用在任

候選先換頂戴欽此 公孫恩洪由浙江海疆

捐輸經浙撫梁保奏奉

旨阮恩洪著以知縣分發浙江試用欽此 二十五

日公子祐由陝西捐輸軍需經費保奏議欽奉

旨阮祐著以知府不論雙單月選用欽此 十一月

二十九日公女孫恩桂曰房于歸儀徵孫氏朝恩

道光二十七年丁未年八十四歲

正月二十日壽辰

學經室再續集卷七丙午正月二十日游長春橋樓肉飯

于沈家厨不復尋僧庵茶隱素食
聖訓願性延齡有養老之義以肉食為近理

二月二十一日公子祐由禮部查例以會試

奏請奉

旨阮祐著准其一體會試欽此 六月十六日曾孫

女潼傳生

恩浩出

七月二十日曾孫宣傳生

恩來

出

九月初六日命九孫恩高

四房

娶于平遙馬

氏

江蘇運糧通判馬公惠文

八月曾孫女惠傳生

恩光出

十月公七孫恩來補儀徵縣學生員

十二月

初八日 晉封夫人劉恭人卒

年七十一歲新例過品封例得

晉封夫人

梁中丞浪跡叢談卷一劉恭人

者嫡配江夫人之腹也雲臺師兩次斷絃得其

內助力為多生子祐道光癸卯鄉薦現官刑部

山西司郎中劉得四品恭人封典女憲吳刺史

公謹慈圖閣老子婦也七十壽辰師許同人為

之製錦得鴈余亦製一聯往賀祝句云鹿宴沐

恩濃正及臣門廣典與友襄攻久更看子舍
策清名翌日師親來謝步並曰此番同人所贈
聯軸甚多惟閣下及右原所撰句最佳黃右原
句云恩遇恭人母以子貴源源相府日引春長
莊重輝成宜師之說項也與恩謹案公
塔吳公謹改名慈現任山東平度州知州
九孫恩高葬生母殷于雷塘
以辛丑五月
初二日疾故

道光二十八年戊申年八十五歲

正月二十日壽辰

翠經室再續集卷七自六十
成竹林茶隱在京龍樹寺在

揚建隆寺雙樹庵多尋僧庵素食

二月二十

九日曾孫女瑞傳生

恩晴

三月八孫恩喜續

聘于析津梁氏

浙江巡撫梁
公寶常姪女

公子祐返自京

師奔劉恭人之喪四月奉柩權厝雷塘俟吉安

葬 六月十一日曾孫女靜傳生恩海 江水

倒漾沿江洲圩田廬漂沒儀徵尤甚官紳議賑

公捐金爲之倡 八月二十四日公孫恩洪奉

委署浙江衢州府常山縣事 十月二十六日

曾孫引傳生恩光

道光二十九年己酉年八十六歲

正月十三日曾孫蕃傳生恩浩 二十日壽辰

樂部開講公以前已酉或進士應重宴 四月

公子福由吏部擬選甘肅平涼府知府閏四月

初二日帶領引

見奉

旨甘肅平涼府知府員缺著阮福補授欽此初六日
召見於

奉三無私 奏對無誤

皇上云驚前日引見朕就知道爾是阮元的兒子爾
父親精神可好他的腿怎麼樣了今年多少歲我
記得爾重赴鹿鳴過了爾在福建司兼管直隸事件
是在大司主樞多年又隨過爾父親外任公事總
該明白甘肅是邊要省分知府有表率之責第一
操守要緊總要跟爾父親學的腿直是一
步不能走麼他那時若好好的不肯叫
他告病在精那好爾好好的去做罷

摺摺云

公具摺謝

恩

伏念臣質本駑駘資殘蒲柳沐

隆施之造沛瀉切齒惶荷

殊眷之逾恒滋深銜結臣子阮福猥以韃材備員農

部涓埃臣效廩糈常戒其虛糜賦課未諳竿吹

久虞其濫臣茲復

緜音

混被典郡叨榮平涼地屬衝區理繁匪易知府

職臣守土陟任維艱惟有加之策臣勵勛以慎勤

持已潔清期無負

生

之德臣於臣勉冀稍酬

高厚

之施臣至臣在家養疾精神尚可支持步履依然

寒薄犬馬之恙何足上系

廣

運臣蒙於

召見

臣臣子時

天語垂詢

聖慈屢注凡此餘生之歲月悉皆

惺惺所滋培瞻望

闕廷實不勝依戀之至所有微臣感激下忱謹繕

摺叩謝

天恩寄交臣子阮福代為恭遞伏乞

皇上聖鑒謹

奏

六月初十日奉

硃批覽善為頤養以期無限遐齡欽此

與恩補案情河公授永平府知府

召見時

皇上云汝係阮元之子阮元操守甚好朕所深知汝須學你父親做官及引清河道請

訓

皇上云你本省總督說你甚好你是大員子弟你不誇人家說你請你不傲人家說你傲你父親做官甚清你跟你父親學總不錯的併

問及兄弟幾人具見太傅公清正居官久邀

主鑒

閏四月初五日公孫恩喜補儀徵縣學生員

五月江水倒漾沿江洲圩田廬沖沒官紳議賑

公捐金爲之倡

霍雨竟月公日
詎贊化官祈晴

六月十八日

曾孫

男雙
女耦

傳生

恩海

十月初六日公與至舊

城謁

家廟

併使人請從弟
先生晤語移時而返

仲嘉

十三日

公薨

丁丑日巳時

十五日公子孔厚至自江寧

鄉試未終

三場

二十一日公子福至自京師

請假回籍省親

十

一月奉

上諭致仕大學士阮元由翰林游躋卿貳久任封圻
朕御極以來優加倚任特畀綸扉宣力中外五十
餘年學裕識優勤勞懋著道光十八年以老病乞
休因其年逾七旬曲加體卹准予致仕在籍食俸
丙午科重與鹿鳴筵宴晉加太傅方期恩施疊沛
永享遐齡茲聞溘逝殊堪悼惜阮元著加恩照大
學士例賜卹所有原任內一切處分悉予開復伊

子候選知府阮祐著俟服闋後遇有知府缺出卽行選用蔭生阮孔厚及伊孫舉人阮恩海均著服闋後交部帶領引見候朕施恩用示朕篤念盡臣優加飾典至意應得卹典該衙門察例具奏欽此

遺摺

奏爲

天恩未報臣竊垂危臣抗哀鳴仍祈聖鑒事竊臣以一介之寒微荷

三朝之知遇身斯久任臺閣滄海歸

高厚之難名臣涓埃之莫效自道光十八年因患足疾陳請開缺蒙

恩予告在籍食俸雖身辭

北闕而依戀之私未嘗一日忘也同籍後疊邀

賞賚道荷

矜憐道光丙午科重赴鹿鳴又沐

殊恩晉加太傅捐糜難報感激何窮詎料福薄災生

於本年入冬以來精神漸衰藥餌無效元氣日竭病勢益增桑榆之景莫追犬馬之情何極尙餘殘喘敢竭微忱當今

聖世重熙累治綱舉目張雖連年東南水患頻仍羣黎待拯

皇仁寬大發帑賑飢嘉惠元元至優極渥保邦之道莫要於斯臣愚伏願

皇上治益求治安益求安勤撫馭以靖邊陲謹蓋茂以裕儲積修河防以興水利嚴捕務以厚民生臣待盡餘生語無倫次不揣冒昧用陳數端伏惟

聖上慈鑒則臣從此長辭

聖世毫無遺憾臣長子常生曾任直隸清河道未報主恩早經卽世臣惟有遺囑次子福甘肅平涼府知府三子祐葵卯科舉人候選知府四子孔厚一品廕生臣長子之子臣長孫恩溥甲辰恩科舉人等清勤供職勉讀書以期仰答

鴻慈於萬一銜哀噴咽無任悚惶謹

奏

二十六日內閣奏已故大學士阮元請加諡

號

旨賞文達

禮部寄江蘇巡撫咨文云勤

與恩謹

案梁中丞章鉅南省公餘錄引證法考

疏中通

理曰達賢直好義曰達又案學經室一

集有釋

達篇謹錄于後

達之爲

義聖賢道德之始古人最重之且恒言

之而後

人畧之元矣達也者士大夫智類通明

所行事

功及于家國之謂也禮記曰九年知類

通達強

立而不反謂之大成故左傳孟僖子曰

吾聞將

有達者曰孔某聖人之後也臧孫紇有

言曰聖

人有明德者若不當世其後必有達人

今其將

在孔某乎此時孔子年三十五歲矣世

未稱聖

但稱達達之爲義春秋時甚重之達之

爲義學

者亦多焉之論語子張問士何如斯可

謂之達

矣子曰何哉賢所謂達者子張對曰在

邦必聞

在家必聞子曰是聞也非達也夫達也

者質直

而好義察言而觀色慮以下人在邦必

達在家

必達夫聞也者色取仁而行遠居之不

弟子記

卷八

三

疑在那必聞在家必聞大戴禮弟子問於曾子曰夫士何如則可以爲達矣曾子曰不能則學有疑則問欲行則比賢雖有險道循行達矣又曰君子進則能達豈貴其能達哉貴其有功也釋孔會此言知所謂達者乃士大夫學問明通思慮不爭言色質直循行於家國之間無險阻之處也故說文曰達行不相遇也遇遘也故論語子曰賜也達於從政乎何有夫仁者已欲達而達人怨天不尤人下學而上達此達之說左傳曰君子曰仁而不武無能達也論語曰誦詩三百授之以政不達孟子曰君子之志於道也不成章不達此不達之說也後儒持明禮達用之論而達專屬用非孔會本義也

道光三十年庚戌正月十四日

宣宗成皇帝龍馭升遐

今上登極內閣頒發

恩詔 公子福以知府丁憂在籍恭遇

覃恩封贈本身 誥授朝議大夫妻室許氏 誥封

恭人例得封贈一代謝宜人以子官 誥贈太

恭人並遵新例過品封贈例得 晉贈太夫人

許恭人德純撰謝恭人詩務序畧云宜人姓謝諱雪字月莊爲雲臺博相之嗣室本無錫縣人遷於吳縣性情幽靜善詩書折枝小幅頗得揮家風格閨中唱和之作宦跡游覽之篇得詩數百首名詠繁亨詩紳又以餘閒課子福之書福爲余第三女之壻幼不願習舉子業隨傳相受經史之學著孝經義疏補經義雜記刻于

皇清

經解傳相詩文集亦多所案證注釋焉

公書長跋

公子福曾出謝恭人所繪太常仙蝶圖栩栩如生與凡蝶迥異實見所未見卷後 公書長跋言壬申春有異蝶來 公之園識者知爲太常仙蝶 恭人視日如近我富圖之蝶果落袖審

視良久得其形色乃從容鼓翅而去
爰名園曰蝶夢公集中有記識其事

三月十

六日翰林院衙門奏擬 公之祭文碑文奉

御筆知道了欽此 四月二十七日江蘇巡撫傅中

丞繩勛接准禮部咨祠祭司案呈准翰林院將
致仕大學士阮元碑文祭文各一道撰擬具奏
咨送前來除將碑文移送工部辦理外相應鈔
錄祭文一道行文江蘇巡撫委員臚黃致祭並
將致祭日期咨報本部查核可也 六月初五
日揚州府知府吳太守葆晉奉中丞札委來

公第致祭禮成

諸公子
謹道

大清會典預陳少牢香帛酒醴于靈前迺率子孫於

大門外跪迎

諭祭文入免經止哭俯伏敬聆

天語感激涕零洵屬哀榮備至永戴

西

朝之恩澤有加無已也
諭祭文碑文謹載于卷首